

香山縣志卷五

古蹟第七

城址

元舊縣土城

按黃通志云香山故城在城南

洪武二十六年開展城池建守

禦所千戶改築故址遂為軍營

申志

香山鎮即宋金斗鹽場

黃通志

在縣南一百五十里地名濠潭

源祖禹方輿紀要

舊為金斗鎮屬東莞紹興改為香山場後遷於場

前村址廢

黃通志

按元豐九域志金斗場屬新會此云屬東莞殆非也

縣北大欖村舊為香山砦洪武二年改置巡司

方輿紀要

按申志古蹟門載放生池北臺洞紅旗洞石龍潭迎

陽石燕子石羅鼓岡沙橋冷池熱池諸條悉改隸山

香山縣志

卷五

古蹟

城址

川門 又附八景曰金鼓朝陽石岐晚渡浮虛春濤

南臺秋月阜峯文筆天池芰荷金紫巖溜長洲煙雨

考八景肇於宋人瀟湘八景圖詩後之郡邑志仿之

甚無謂也茲概刪汰

廨宅

布政分司廢行署在達德街

金通志

按察分司廢行署在拱辰街

同上

舊府館在縣西久廢

郝通志

縣署元季徙於蓮峯

戴通志

縣丞舊署在縣堂右

阮通志

主簿署在縣堂右缺裁久廢

同上

尉司廨宋景定二年主簿吳子斌創於縣治之西至元三十



一年主簿夾谷信童改創縣治直街西久廢申志
稅務廨在縣治東自宋始創洪武元年重建尋併於縣址久廢同上

提調備倭巡緝行署三所在澳門今廢採訪冊

香山場鹽課司廢署在縣東南二百五十里恭常都郝通志

按方輿紀要香山場在縣南一百五十里此云二百五十疑誤

香山場委員署在黃梁司三竈柵原係場商館舍乾隆十三年大使沈周詳修穀倉一所在署右乾隆二十一年建今俱廢鹽法志

大欖巡檢司廢署在縣北七十里大欖村郝通志今遷小欖採訪冊

河泊所在縣西石岐山下戴通志洪武十四年設本所官夏凱

香山縣志 卷五 古蹟 廨宅

創今廢申志

醫學在縣治西永樂元年本學訓術程勝祿創建今廢申志

陰陽學在縣治東永樂二年本學訓術鄭恕創建久廢

道會司在武鎮街久廢俱同上

協鎮舊署在前山寨明天啓元年建阮通志

守禦千戶所在縣治東明洪武二十六年設隸都司二十八

年改隸南海衛戴通志

儒學故址在水關街宋淳祐中宋之望遷建於此元至正間

廢黃通志

仁山書院在縣署後仁山上為堂三間後為仕學臺為亭一

間臺東為豐樂園南北為垣各十二丈有奇俱嘉靖二十四

二十六年知縣鄧遷建申志久廢景志

香山縣志

卷五

古蹟

廡宅

三

間與物為體入荒我聞可以識人矣引又仕不遺學毗民關
政若斯之懿者乎黃髮青衫番番僉僉予請記載筆使鐫
用鴻厥懿

於承久
鄧遷仁山書院詩仙羊真氣未全收瀛島高元足勝游叢桂
盈盈金玉闕扶桑歷歷鳳麟洲海外煙霞還赤縣花間臺榭
亦丹邱江湖登眺朋徒

附北望京華萬里樓
嚴所建仁山書院臺名黃文裕公所為作記者也臺圯已
久後人於其地立亭無扁識亦無碑記不能考其年月日
今亦圯余即其舊基葺而新之仍顏以仕學以臺名亭聊
誌表章之志云爾嘉
慶丙寅陽月朔日

南門舊鐵城義學康熙三十一年署縣孔衍璠建
參舊志
另有辨正

詳學

孔衍璠創建義學碑記

先聖祖之論曰君子而不同而於贊易之同人則有利欲
斷金之喻何也以其同心也夫理義者千聖之所同也利欲
者羣愚之所趨也故心乎理義之公則不期於同而無不同
是謂之和若心乎利欲則同己者黨之異己者伐之是有意
於同也去和也遠矣吾社事於香為義學以處遠方來學之

士猶易之有同人也緣不揣絲力殫心拮据一時落成豈不以此舉為理義之公乎哉夫斷金之利非磨礪不成如蘭之馨非培植不發于將莫邪之未鑄也與頭石等耳及夫大冶飛煙良工施巧錘鍊以出之珍寶以錯之然後水截華象陸刺牛馬剗鐘無聲應機立斷芳蘭之末花也掩於眾草蔽於幽谷及夫物候既至擢葩吐穎而後德比君子香稱有國諸生之聚處此學也非猶夫未鑄未花者乎僕固非良工而又不能久於斯土所賴二三賢俊先達為諸生之典型玉而成之後來之秀其可量乎用是列助工資諸君

永寧街舊義學在縣治西原縣丞署久傾康熙四十四年知

縣龐嗣焜詳建

南門正熏街舊義學乾隆二年知縣李景厚倡捐購民房建

李景厚建義學碑記自古帝王膺圖御極開人心忠孝之天立生民紀綱之地扶世教於不墜廣材用於無窮者誠莫要於學校之設也我朝運會昌隆誕敷文教思與海內臣民共臻一道同風之治特於學宮之外復令各府州縣設立義學今

香山縣志

卷五

古蹟 廨宅

四

三經二十一史並
聖祖仁皇帝御纂諸經頒發學宮俾山陬海澨窮鄉僻壤之士咸知天德王道之全修已治人之要使聖人之道如日月之光昭於天嶽瀆之流峙於地勢歟盛哉所以化民成俗培養人材者誠超越古今千載一時也士生今日抑何幸哉香山義學舊設拱辰街日久門廡傾頽垣牆盡圯方且鞠為茂草矣前令會稽魯君遐齡業勸捐題議別建而未果今皇上帝之元年余以高涼府判借補香山下車之初躬詣其地基址湫隘室僅三楹士人來學者無舍可容竊以改作為己任奈簿書鞅掌煩劇未遑追歲在己未政事稍暇不揣絲力計圖別創因告邑之紳衿共相捐助爰於南門內正街買得生員繆卓民屋一所命端士何儒黃時霖楊式南劉竣董其事鳩工庀材因其基而更之撤其舊而新之不踰時而告竣堂構輪奐規模宏敞猶慮膏火無資難以潛心力學也復給以入官沙田土名古宥環等處共稅四頃十畝零俾體聖天子誕敷文教各大吏培養人材之至意所以從師尚能如此其極也夫昔之學者不遠千里裹糧負笈以從師尚能說不假於辨難學有常師不假於外求居有常所不假於遊食有常廩不假於營辦諸人士其各自奮勉以成譽譽處則為幽獨可信之人出則為家國有賴之士慎毋自暴自棄致為諸君姓名之棄材名教之不齒也余因記義學之成并勸捐助諸君姓名在於石而規以此言

非獨望於今且以示來者于無窮云

舊社學三曰大館曰東隅曰蓮峯郝通志

欖山義學在大欖寶蓮坊乾隆五年知縣李景厚建今遷建

小欖藍田坊採訪冊

舊豐盈倉在城內達德橫街豐山左洪武建廢十二所廳一

座正德嘉靖間倉廢浸壞十二年典史萬坤力請建復明季

傾圮暴志順治中知縣胡戴仁改創痘母菴以祀痘神後更名

眾母菴申志

舊常平倉在縣城內西門永寧街倉一座三間門樓一座明

季頽廢暴志

舊南倉在南門外蘇洲街倉箱巷

舊北倉在東門外蓮塘街上俱同上

宋行宮在沙涌按卽馬南寶宅端宗自閩入廣行宮三十餘處此其

香山縣志卷五古蹟廨宅

五

一也申志按宋行朝在梅蔚山屬新安阮通志悞編

明黃佐宋行宮詩沙涌清夜月曾照宋行宮未抵黃龍府空懸白雁風丹心思蹈海正氣化成虹若遂厓門願吾鄉有大忠

新美齋在大字都按舊志悞西村黃道山下宋景定甲子鄉

人王蔣梁陳四氏創建義塾以訓鄉族子弟齋名邑令洪天

驥題申志

元沈普新美齋記古之教者家有塾其來尚矣後世里社義齋之設則又推廣其遺意也至元丙子秋予宰湮邑時清江羅君義叔領郡幕其友人王君斯美自香邑挈舟而來語予曰吾邑西村有義齋扁曰新美蓋里之賢士創於宋景定甲子而邑令天巖洪公天驥名之也其地爽塏山川相繆扶輿清淑之氣咸萃焉凡子厥孫於是乎藏修息游擇其經明行修者師之且捐金買田收其租入爲束脩廩膳教育之奉殆如邑校焉亦吾鄉之一盛事也鄉人陳梁之裔寢微惟王蔣爲有後弗棄基泰定戊辰齋舍損壞請於邑令左承宣公祥公慨然移文修葺欲立石以記其事秩滿且去顧未有記之者竊願一言著其美予惟天下郡邑之學國家敦勵屢形詔旨猶未免有鞠爲茂草之歎或連城無絃頌之聲者有之矣

今是齋也非有督勸而激勵之者乃能世守勿替非篤於義者能如是耶是可嘉也抑子又有以為王蔣氏勉者夫齋以新美名亦嘗觀諸易乎大畜之象曰剛健篤實光輝日新其德坤之文言曰美在其中暢於四支發於事業凡學於茲者俛然日有孳孳積大畜之日新發而為坤之美暢則庶乎有以副當時洪侯名齋之雅意而於繼述之意亦有光也君其以予言諭諸王蔣

之後尚勉旃哉
國朝方天根銘邑東鄙之西村舊有新美齋蓋其鄉人讀書之地邑侯洪公顏之者也自宋迄今未有銘之者爰取新美之意而推廣潤色之其辭曰巋然高齋峙於東鄙孰董其謀而克慮始慮始伊何爰命畚築顧此平曠是立家塾告其村人而父而兄置之土田以為代耕丹獲既治我侯乃來周視廊廡則喜而怡是錫嘉名厥為新美日新又新充實可企侯美在村人新無取奇尼父絕韋温故而知侯告村人無外美為貴始焉村人懵未知學侯誨之書漸以磨濯始焉村人推魯相望侯誨之行出入禮讓今此村人歡躍舞蹈匪齋奚居匪侯奚教齋之成矣侯之名矣世之相承保後生矣凡厥後生尚守典型敢或怠惰視此齋銘

劉中行宅在縣東無量寺故址

申志

明黃瑜春日過劉中行宅春日尋幽獨向東烟塵埋沒梵王宮劉郎去後桃花雨杜宇啼時貝葉風丈六金身何處所大

香山縣志

卷五

古蹟

廨宅

六

千沙界浩無窮絕憐色相歸空後惟有鷺魚指顧中

宋孝子阮與子宅在四字都赤坎村前建孝義坊

張府志

明黃經詩阮家門巷草青青綽楔空傳孝義名封齋救親天感動至今光彩照圖經

馬南寶宅在沙涌宋端宗駐蹕之所後崩於礪

按舊作礪悞辨詳事略

洲復殯於此

黃通志

明黃瑜題馬侍郎南寶故宅萬里風塵染赭黃遙從炎海望錢塘鴉啼曉日樵蘇集花笑春風輦路荒鄂國有靈餘草木

思陵無策失苞桑龍沙北望成今古猶有人傳馬侍郎按此詩府志悞作謝祐

國朝劉相沙涌馬侍郎宅荔枝行宮進御舊承恩結子如丹豔自存安得鳥啣歸上苑更無人薦到匡門侍郎宅廢空雷

恨永福陵荒莫可論若使冬青還有樹蘭亭應共此銷魂

友琴堂在縣前明鄉賢黃瑜故居

阮通志

今壽山里口

採訪冊

明汪朝宗寄題友琴堂華堂揭榜見真心取友平生只一琴九死不移會抗疏百年難遇是知音孤忠太節乾坤動流水高山海嶼深所喜移居薇省近謫官樽俎日相尋暴志原泮朝宗四川人翰林侍讀學士謫提舉

山海齋在筆架山明黃經建志申

元氣堂在小欖村西閘坊明相國何吾騶建探訪

建霞樓在小欖村秦寧坊明尙書李孫宸讀書處上同

意翁亭在潮居里邑人趙梅南建志暴

元黃觀光記意翁亭趙君梅南寄傲之所也客未解其各亭之義遂諗之曰昔淵明之於酒嵇康之於琴王猷之於竹以至阮子之屐謝公之碁諸賢之意各有所尙趙君必居一於此乎曰否吾性不喜紛華意之所寓不畱於物獨以佳山勝水若有所嗜朝夕觀玩出乎意表悠然獨酌遂成微醺故特取六一公意不在酒在乎山水之樂以各吾亭成蒔花木列怪石左右琴尊前後圖史日課兒書數卷與客奕數枰或倚竹而吟嘯或步屐而徜徉徇意所之隨寓而樂晉人風致吾無意而兼之然吾之意亦未易以語人也客曰彼陶嵇阮謝輩沈冥司馬之然吾之意亦未易以語人也客曰彼陶嵇阮君際盛明意該眾雅得毋以所居之地有瑯琊釀泉之秀而非也吾取其意而忘其言云爾莊周有云子非魚安知魚之樂又曰子非我安知我不知魚之樂旨哉斯言夫自得之樂惟我自知也人烏得而知之故六一公亦曰人知從太守遊而樂而不知太守之樂其樂也昔程子從周茂叔學每合尋仲

香山縣志

卷五

古蹟

廨宅

七

尼顏子樂處所樂何事晦菴朱子亦隱而不發嗚呼聖賢之意豈易知也哉仁者樂山知者樂水夫惟有所樂則樂必在其中矣今潮居之山巍巍其高發自萬里而重厚不遷有似乎仁溟渤之海洋洋其深涵蓄萬象而流動不滯有似乎知吾觀山水之樂因悟夫仁知之理沈潛玩味欲進不能欲罷不可吾意若是是又不在乎山水之間此其所以難言也客曰唯余聞而喜之書以為記

觀潮亭在縣西南官濠舊天妃宮前元至正二年主簿王仕俊創元季燬於火志申

石龜亭在縣東三十里大嶺村元至正間達魯花赤亦思馬恩建元季燬於火

迎恩亭在縣西一里石岐街元季燬

麗澤亭在麻洲街邑人爲楊紹孫建正統間俱同上

附明皮瑩繼美亭記楊君餘蔭香山之著姓也自宋以來世德相承至於今益厚高祖紹孫仲玉兄弟同居而家道亦裕迨分產業紹孫以其壤之沃者讓仲玉鄉里高之元季年穀不登民不聊生兄弟發所儲之粟五千餘石以賑

貸後值歲豐貸者爭償焉曰周窮恤匱吾之心也償之何為遂却不受眾乃德之作亭於居之南榜曰麗澤以著其好施不啻之心且以識鄉人之仰德元社坵墟亭亦坵焉皇明四方平寧餘蔭先君子顏翁欲新斯亭弗果而卒餘蔭時甫七齡賴母氏鞠育成立嘗自歎曰吾先世種德行義澤及鄉里吾可不思所以繼之乃於故址復構一亭扁以繼美以示其志會辛酉歲歉聖朝以民食為憂詔有司於南賑貸倉不及其高祖之所發者數之半子嘉其事且喜其志之有成遂語之曰作於前者有其人繼於後者有弗類固不可謂之美是必前作有其實後繼非殉名然後可謂亦不可謂之美是必前作有其實後繼非殉名然後可謂之矣美矣君先世之利澤又及於鄉人是則君之美非特無媿於前亦且可傳於後雖然君今日之美固一鄉之利澤也繼自今為君之子孫尚當勉力不怠俾利澤加於時則其所繼前人之美者豈不大焉君拜曰然遂書以記

改遷暴志

海道年一案臨點閱歲久亭圯建關帝廟因市肆日增地狹

演武亭舊在沙岡洪武間隸香山所操練屯軍天啓間巡視

小魯亭在蓮峯之麓今廢申志

香山縣志 卷五 古蹟 廨宅

明知縣蔡善繼記夫繪畫之事肇自唐虞以著於三代先師繪象今宇內往往有之不知起於何時至土木雕塑說者謂類於沙門自佛道入震旦祀聖人者倣而為之然事有因始作述相仍使古無遺像後之人師心倣手倣佛氏而妄為大聖之形則又無稽而不可盡信者矣洪惟聖祖開天易土繪而為木主世廟肇明申飭辨章服以定位號懿哉聖製千載一時非謂乎土木無當於神明雕繪描寫無當於天然色澤修短豐瘠為人工之巧拙同異終非盛德之形容也耶然竊不謂之與畫相去幾何聖之像與歷代帝王之像何別彼存而不論此去之惟恐或遺則當時建議諸臣惜乎何雜類之不廣也聞聖祖謁廟舉酒以屬漢高蓋崛起布衣提三尺以定海內曠世同符倘亦有相視而笑莫逆於心者耶今世之人入帝王廟舉手而指之曰此堯此舜此羲農此湯武此漢祖唐宗此牛首人身此龍顏隆準此披鹿裘而帝此冕旒端笏而王更數萬千年而隆古神聖肅穆丰儀恍然如見者則斯廟之遺也今民間之曾元耳孫于其先世曾高宗祖邈不相接歲時享祀展遺像締而視之曰此曾此高爾祖爾父孝敬之心油然而起由斯以談理非事則不彰真緣假而始見古人之製像非為聖賢而設為愚夫愚婦思聖賢者而設也香山文廟舊建蓮峯山麓後緣兵燹遷入縣治之東今復遷歸舊址先師遺像尚置一龕究當時所以不毀者而莫得其故諸生昌言毀與葬分門而訟中有嫻於典故者謂禮必觀會而撤之而已夫屏之則不復高拱廟庭撤之則不忍委而棄之

以下同于芻靈稿穰也於是為分室以安焉上依祖制下順
輿情闢之則為藏為葬為屏撤啓之則儼然獨存百世而下
猶得觀古人衣冠聖賢形象羹糲陟降在上在旁此像此亭
即與金陵帝王廟並垂可也亭在山椒山在邑東各其亭曰
小魯蓋做孔子登東山小魯之意也

敬一亭在豐山下舊學黃佐遷久廢申志

按嘉靖七年奉旨亭名敬一申志悞加箴字今刪正

鳴皋亭在福山之椒久廢黃佐遷

通濟亭在天王橋南暴志

涵一亭寶書樓俱在北城外葑菜園黃文裕公書院探訪

明黃佐有涵一亭說見泰泉集國朝釋成
篤有香山黃氏寶書樓記見咸陟堂文集
國朝印光任同人集黃文裕公書院涵一亭詩微晴微雨濕
烟汀鏡裏雙虹抱小亭黃噴嫩香三尺桂綠鋪新綺一池萍
幽禽啼處忘城市古篆墓來見典刑薄醉聽泉聯好
句蓮峯窺坐落杯青自註亭說係文裕公手蹟

來青亭在城西武山上國朝康熙間副將朱明建守備吳

香山縣志 卷五 古蹟 廨宅 九

定鼎重修副將陳良弼題額暴志久圯探訪

眾香亭在城西三元廟隱泉寺之右國朝康熙間守備馬

騰龍建署縣白章題額今圯暴志乾隆丙申重修探訪

藕泉亭在蓮峯下學宮右久圯雍正十二年邑人鄭廷章修

復張府志

茶亭在縣南四十里嶺高百餘丈中通一徑為恭常谷字都

及澳門往來要路康熙間僧定崖建亭暑月施茶知縣陳應

吉顏曰少憩雍正間副將湯寬倡捐置田十餘畝暴志後圯嘉

慶三年知縣堯茂德重修為三楹榜曰以解渴煩探訪

鄉約亭在小欖村鳳山之陽自昔講六箴於此申志今廢探訪

凌霄閣在學宮後郝通志

南省堂石墪在唐礪村宋紹興中立今圯暴志

天王堂石塏在雍陌村高二丈許元至正間立今圯同上

涌口門塏在縣東五十里塏山上高七層塏頂有鐵鐫永樂

二年建多貝頭村蔡姓人或拾此鐵曾見其字云採訪

花塏凡二一在龍眼都秀美園村按申志作沙棚下明萬曆三十三

年知縣張大猷建一在石岐鳳山上萬曆三十六年知縣蔡

善繼建張府志

光塏在縣城上東南隅明天啓六年縣丞沈應美建申志

梅園在大欖梅花村右明李孫宸闢採訪

玉溪園在大欖村伍瑞隆闢同上

南塘詩社在小欖村藍田坊周遭三十畝築亭纍山四面皆

水何杖與諸詞人遊詠之地採訪

國朝僧成鷺南塘泛舟詩我本釣魚船上客偶隨鷗鷺下南塘長空放鶴不雷影野水浸花長帶香屈子牢騷莊放達嵇

香山縣志卷五古蹟坊表

生懶惰阮猖狂相逢大笑各歸去明日抱琴來此堂

坊表

忠孝節義名邦坊知縣周維持建於石岐接官亭正壩頭分

列宋明忠臣孝子節婦義士姓氏申志嘉慶十六年署縣鄭承

雯重修背額曰海宇綏寧採訪

孝義坊為宋阮孝子建黃通志詳麻宅

興賢坊在縣西元縣尹左祥建洪武二十六年開展城池遂

廢申志

進士坊在縣左為進士黃鑰立張府志

擢秀坊在縣左為舉人黃瑜立申志

解元進士坊在縣右為進士黃佐立同上

濟美坊在縣東為舉人田宏立縣志

進士坊在縣南麻洲尾為進士徐觀立申志

登科坊在縣南來青街為長史盧瑞立同上

進士第坊在來青街為知縣盧淵立暴志

經元坊在縣東蓮塘街為舉人鄭鴻立暴志

鳴鳳坊在黃梁都荔枝山為舉人黃鎰立暴志

旌義坊在小欖村祠堂街採訪冊為義民何圖源立申志

按舊志均悞作大欖暴志又悞作源圖

進士坊在黃旗都古鎮村為知府馬駟立同上

擢桂坊在古鎮村為舉人蒲伯齡立暴志

宮詹學士坊在武鎮街為禮部侍郎諡文裕黃佐立申志

大京兆坊在迎恩街為府尹袁三接立暴志

熙朝宰輔坊在縣治照牆南為大學士何吾騶立同上

香山縣志 卷五 古蹟 坊表 十一

圮採訪冊

南宮奮翮坊在縣左為舉人題名立暴志

北闕蜚聲坊在縣左為進士題名立

兩都京兆坊在石岐接官亭後為府尹袁三接立俱同上

六朝元壽坊在達德街為大賓儒官百歲黃化立申志今御史

黃公祠右採訪冊

按百歲坊所在多有與節孝等已附見者壽茲採入

古蹟者惟依舊志餘不濫登

岐海流芳坊在石岐津頭闔邑士民為知縣鄧遷立張府志

五星聚奎三元啓運二坊在文廟照牆之東西俱知縣周維

持建申志

冢墓

宋疑陵在縣南五十里壽星塘相傳馬南寶葬端宗於此又
端宗太后全氏葬梅花坡上或曰卽縣南梅花水側清一統大

志野史宋端宗死於舟葬壽星塘塘側陵迹有五蓋遺臣馬

南寶所築疑塚也其地名墳頭岡山之西梅花水出焉下流

入海宋端宗太后全氏葬於梅花坡亦卽此水旁矣方輿行

朝錄云祥興元年九月壬申朔葬端宗於厓山陵曰永福則

此爲疑陵明矣蓋遺黎爲之諱其處也又全太后疑陵在梅

花水坡上宋史載全太后與瀛國公入燕後削髮爲尼卒於

北未嘗南來也申志引黃

佐舊志

明黃瑜全后疑陵詩南臺北臺浮黛鬢宋朝陵

墓徧荒山玉魚金椀誰曾見梅花流水空潺潺

張詡詩全后燕京去不還一陵誰道葬香山祇應此地衣冠在月色長如見母顏

宋太傅樞密使張世傑墓在縣西南一百五十里黃梁都赤

香山縣志 卷五 古蹟 塚墓 三

坎村黃通說郭云世傑當景炎帝昚復擁立祥興於海上與

張宏範各軍於南北岸一夕忽大風雨戰皆不利世傑舟覆

而薨翌早諸軍棺殮焚尸島上其中膽大如斗更焚不化諸

軍號慟須臾雲中現金甲神人大聲呼云太上以我馳驅關

係不小已多方措設恢復矣由是諸軍心皆不移葬之赤坎

村陸秀夫作詩挽之有云曾聞海上鐵斗膽猶見雲中金甲

神蓋忠義英烈雖亡猶耿耿也秀夫從龍於淵蓋在世傑之

後云相傳世傑葬陽江縣潮居里赤坎村今考陽江無此里

亦無此村則此爲真墓無疑矣申志引黃五百年來埋沒宿莽

間 國朝乾隆十三年知縣張汝霖捐資修復撰碑立石墓

側按碑略曰考宋史載公溺死平章山下元史謂死海陵港

無疑故一統志卽據是以定公墓黃淳志載公死諸將得其

尸焚之函骨葬潮居里赤坎村阿黃才伯則曰陽江不見潮

居里此地真存太傅墳果孰信而孰疑耶余謂陸公於匡門
負帝赴海今其墓乃在潮州嶼中蓋太傅兵敗張宏範乘勝
追躡二公雖已授命殘卒故部勢不獲卽於死所從容封窆
須攜之稍遠而後克葬亦固其所况赤坎村近在黃楊山麓
實故潮居里地而平章所屬曰壽文都此其尤較著者史書
其所死而不詳其所葬後人遂以死所當之要不越才伯所
稱祀在陽江墓在潮居者近是先是將表公阡風廟士庶冀
得考證圖籍衷於一是會張生沛景等來請卽割俸以倡并
置西坑逕田三十餘畝畀景等掌之以黃梁都司巡檢察覈
而尸其祀公諱世傑范陽人宋太傅樞密副使越國公事具
宋復新置土名馬槽埔等處荒熟田三十九畝零畀里人張
浦昌等董其事歲收所入遣官春秋致祭志追張浦昌等子
孫分徙嘉慶十八年知縣馬德滋斷令張燿恩等承祀仍令
舊佃劉達士等每年冬節上期輸納租銀六十兩繳庫兩次
給銀二十兩辦祭存銀五兩貯庫備修墓用餘銀三十五兩
撥豐山書院添充膏火二十二年黃梁司巡檢以張燿恩等
辦祭潦草失時知縣鍾英改飭該司承辦行祭冊

香山縣志

卷五

古蹟 塚墓

三

明黃佐張太傅墓詩陽江不見潮居里此地真存太傅墳想像雲中金甲在松濤猶似擁千軍

按申暴二志載黃楊山其陽有赤坎岡爲張世傑墓

見山黃通志云在黃梁都赤坎村黃淳志云葬潮居

里赤坎村尋羣書皆稱赤坎無專指黃楊山者而張

令汝霖脩復之墓乃在大黃楊山上距赤坎村八九

里然則其墓碑所辨則是其所修之墓仍非也今考

之小赤坎村岡向存古塚父老相傳爲張太傅墓與

志符合道光元年有土民圖利詐稱爲馬南寶墳報

馬氏族姓遂悞立侍郎墓碑核馬氏族譜稱侍郎葬

廣州后背山今不知穴云云並無葬赤坎村之說蓋

張馬兩墓一誤再誤胥失之矣

又按秀夫死在太傅前說郭傳疑姑存之

宋陳文龍墓在仁山之陽

按卽今縣衙後

天覺之父

張府志

清明日

其子姓由東倉人祭掃

採訪

國朝黎簡詩山頭有墳古陳公幾番老死墳頭榕樹何年
有棲鶴飛渡滄江認城郭西山木絲千丈陰東影氣合江流
深人問落照辭今日筵上新知同古心北來手山勒海日欲
化波濤向東走惟茲七阜倚角雄崛強似掣天吳肘中阜之
墳幾時有孤城萬室猶墳後後人思我今日醉前事酬君一
杯酒君不見墳前城下江滔滔日夕急去增海濤海水直下
三山高神仙不來來亦勞秦橋
古血死灰色瓊田草黃生野蒿

宋宏博進士鄉賢陳天覺墓在庫涌村後山

採訪

宋邕州左右江提舉劉中行墓在恭常都前山寨之西北山

採訪

明副使黃鑰

按善志

祖墓在哈婆嶺

金通志

明知縣黃瑜祖黃温德墓在大北山北丫坑

金通志

阮通志明文徵明撰墓誌銘黃氏其先人筠人宋度支員外
郎漢卿之後元西臺侍御史憲昭謫官嶺南道卒子從簡留
家廣州之南海遂為南海人至正間東莞伯起兵靖廣南從
簡在行間累功宣慰副使宣慰子教娶性氏實生府君少則

香山縣志

卷五

古蹟

塚墓

古

破嶺為宜慰公所鍾愛命之日温德字曰朝貴既而宣慰卒
父亦繼亡而天下大亂嶺海阻饑府君夙遭憫凶又屬時艱
幸苦百罹數陷於死已又被籍為兵初隸廣州衛徙南海再
徙東莞間關流離無所得食而奉其繼母林往來兵間客授
自給身雖屢空而其母供具無乏也母嘗病思柿且思見其
嫂嫂所居相去數十里兵燹道棘陰憐彌望府君不憚宵征
卒致其嫂並補以來母病良愈又嘗被執於盜與叔父敏爭
死盜義而釋之少從高爵先生學雅善為詩詩清麗可誦或
時饋饗而讀書賦詩不輟家人慍見不恤也夫人關氏山南
鉅族素稱詩禮家夫人厚黜閑靜相府君於傲擾之餘拮据
卒瘞用以有濟府君歿絲畜粒聚以圖振植底諸子於成婚
嫁以時門戶弗替益隆然寡居深密人莫能窺隣婦每以纈
織聲候其所所在念舅氏婦女貧不能守撤環瑣以贈且正言
勸之迄成其志而夫人之子適龔氏者亦以完節稱皆夫人
有以式之也府君卒於洪武壬申七月十四日年四十一夫
人幸於永樂戊戌三月十二日年六十有六先是府君卒之
明年其家徙隸香山夫人乃負府君柩浮海葬香山之大北
山至於諸子奉夫人合於府君之兆實永樂十七年己亥也
距府君之葬二十有六年矣又百有七年嘉靖丙戌府君之
元孫翰林編修佐為余言其事俾為銘府君儒朗激昂而才
智敏達負其所有思自樹立而嶇崎迫塞會不得一振以死
有足悲者然其子孫茂衍至於今百年日益貴盛而其事卒
有以白於世則不謂不幸也府君四子洙泗涵洋女一人
壻曰龔材孫男八人瑁瑄瑜珩瓊瓊琛瑜仕為長樂知縣

孫女六人曾孫男十二人畿以下貴贈翰林編修階文林郎
元孫十六人而佐最著銘曰有閔府君胡賦則醇而命不辰
乃濡以滄既承有家亦貞厥履有卓其瑛胡積而毀匪積而
毀慶衍在茲繁有弗居而後人之遺迺百斯年有引弗替奕
其纓簪光厥宅里西濠瀼瀼府君所生大北蒼蒼府
君所藏孰匪邱首有階者室我銘幽局以永無泐
黃瑜北山詩青門鬱葱葱北山佳氣濃不見邵平瓜見此金
芙蓉芙蓉歷冰霜秀色射坤海唱彼貞心人素履長不改我
祖廊廟材早沒隨蒿蓬大母矢靡試白首甘所終時
平共鐘鼎世亂逐戎馬緬懷東陵侯哀歌淚盈把

明處士黃泗墓在縣南壽星塘

阮通

禮部侍郎黃佐之會祖

黃通志明修撰黎淳撰墓誌銘公諱泗字惟清家廣之香山

其先筠之杉塘人宋進士度支員外郎漢卿六傳至元西臺
侍御史憲昭以直諫謫嶺南其子從簡至正末以保障功官
至官慰副使始遷南海中隅之西濠里生教教生溫德皆業
儒世其家公之祖考也公賦性仁明慈恕有古君子風年十
二失所怙兄洙寓外公事母關氏定省承顏無遺禮時弟妹
俱幼甫弱冠即能興家誦讀之餘懋遷至富嫁姓娶弟婦一
遵母命無所靳財與兄弟處內外無間言永樂丙申大飢穀
價騰貴公獨平糶貧者造門輒與之粟嘗有峒民來易粟悞
倍其值既去矣會計其數過贏呼而還之謂曰掩人之悞而

香山縣志

卷五

古蹟

塚墓

五

利其有猶盜也吾豈為哉正統末盜李千戶來攻香山城
門閉者三月民有菜色公為粥以飼之子女有流離者出金
贖之歸其父母所全活者凡數百人鄉人感其德義耆老言
請有司將上其事於當路公力卻之先是自號源遠忽更為
七十翁景泰庚午六月十二日感微病呼子姪至前壽以讀
書行善儉然而逝距其生洪武辛酉五月二十四日春秋果
終於七十蓋前知云始娶臧氏無子繼以伍氏邑之南村處
士福源女自幼端重寡言笑且善織紵裁之事既歸公賢
淑宜家主饋饌賓靡不中禮公天性嚴重或盛怒輒以和承
之戒子以不侈為先正統丁巳六月十二日卒距其生洪武
辛酉四月十六日享年四十四有五子男三人瑄瑜珩獨瑜最
賢領景泰丙子鄉薦入胄監天順中應詔上疏言正身正家
六事凡數千言名震朝野就銓已預御史選竟為有力所奪
乃授惠州長樂大尹女二人長適武德將軍錢世用次適曹
觀安孫男五人瑄之子仲和瑜之子都生邦生珩之子仲清
仲順女四人皆幼未行嗟乎修德循義以成仁公之謂也仁
者必有後其在子若孫乎葬於邑南壽星塘之原與伍氏同
藏禮也吾鄉進士王琰紹介瑜來乞銘銘曰西筠之黃宜慰
始遷逮七十翁積善如天天之報施靡仁弗壽壽則有德克
昌厥後既孝且友周急恤貧穀貽孫子成名致身壽星之原
仁者所息於昭

萬年配彼南極
黃瑜壽星塘詩汪汪壽星塘上有帖與配松栢悲風來驚波
渺不起帖配日登望父母嗟何之驚波有定日皆淚無乾時

誰云蓬萊仙夜來駐筮鶴刀圭如可求庶幾起真漢
嗟我寸草心萋萋徒自傷淚下不可收日暮驚波長

案暴志原作明禮部侍郎黃佐之祖實乃佐曾祖也
今改正又乾隆間知縣彭科嘗出示勒石禁樵採五

十步

明長史盧瑞墓在中坡頭黃通志 邱濬撰 墓表見瓊臺會稿

明大學士何吾騶墓在縣北七十里小欖村鳳山曾祖贈大

學士何純墓在縣南五十里黎村山祖贈大學士何世睿墓

在縣北七十里大欖飛駝山父贈大學士何述鉉墓在縣南

二十里鹿鳴嶺金郝二通志

明黃鑰墓在黃梁都荔枝山張府志 墓志實在太平埔採訪

明應天府尹袁三接墓在縣西北八十里海洲村鳳山之東

採訪

香山縣志 卷五 古蹟 塚墓 六

明贈尚書李怡德墓在小欖高橋基張府志 按暴志 李孫宸之祖

明南京禮部尚書李孫宸墓在縣南五十里黎村賜祭葬阮通

志 按暴志 飲差 行人 鄭崑 禎 諭 葬

明兵憲伍瑞隆祖墓在縣南五十里黎村山採訪

案申志陵墓門云皆仍舊志舊志者黃文裕所撰邑

志示謹也茲用其義於採訪冊止錄四墓陳天覺 劉隆祖 中行 袁三

接伍瑞隆祖此外非見各志不概收

寺觀 附

無量寺在縣治東北舊在縣東南五十步本劉中行宅宋乾

道中掘地得鐵佛遂捨宅為寺縣令范文林建蕭惠叔又捨

銅佛一軀洪武中僧本廉徙於壽山下因寶慶寺舊址後廢

永樂七年僧會祖重建申嘉靖二年提學魏校令毀銅佛鑄

為文廟祭器

按詳金石

寺旋毀七年重修

金通志

案此寺舊為祝釐之所乾隆戊子於寺右恭建

萬

壽宮文武眾官無復在寺行禮矣

元興寺在縣北大海中浮虛山上宋趙時縱始建真武堂元

大德中改為寺元末毀於兵火

申志

宋馬南寶遊元興寺詩坐閻人間幾劫灰試從清淺問蓬萊此山此水自古有是佛是仙何處來

龍歸庵在縣西南斗門村宋紹興初建元末久毀

申志

今復建

為寺乾隆十六年鄺崇坡捐田十畝以供香火寺居龍歸山

半四山羅列夾道古松數百株右有二榕連理為榕關前有

石臺外有大小二溪通以石橋天旱於寺祈雨輒應

採訪冊

金臺寺在黃梁都黃楊山上宋末趙時縱龔行卿鄧光薦讀

書於此築金臺精舍今建為寺後為文昌宮兩水夾流瀑布

香山縣志

卷五

古蹟

寺觀附

七

百丈下為龍潭淵深莫測山出茶以本山泉煎之尤佳云

西林庵在縣北一里蓮塘村

申志

插笏山下

暴志

明鄭翠峯蔡伯

成創建國朝乾隆四十四年重修

採訪冊

觀音堂在麻洲街西邊山下

暴志

創自明萬厯庚寅

國朝乾

隆庚子劉天佐等重修嘉慶丙子里人委僧應豁重建擴而

大之遂為名藍有隸書碑紀其事

採訪冊

香林庵在縣南十里小嶺山中明崇禎間僧慧融建嶺產佳

茶

申志

庵無錢糧香燈之費取給於無量寺

暴志

慧融再傳僧元

朗於國朝順治間移建庵於插笏山右仍署香林乾隆乙

亥僧解圓重修其小嶺舊庵久圯

採訪冊

國朝李應旗晚宿小嶺寺詩躡屐南山巔山深不知路一線千迴沿怪石蹴行步好鳥紛飛鳴野草蔓零露雲霞異彩翠山麓眇昏暮飛澗不停流空中起煙霧風送遠鐘來冷然愜幽條旃林鬱嵯峨怡與賞心遇老衲笑相迎元言肆談吐清

曠屏宿氛沈冥豁良悟月出照千巖蒼蒼隱寒樹

白衣庵在縣北西林庵後山之巔崇禎間建申志國朝嘉慶

癸酉重修紆逕以上高出林隈煙村山郭洵堪騁目採訪

國朝楊樹與繆西洽遊白衣寺詩古樹盤岡路高臺出赤霄鳥飛平野外雲起亂山椒霽色融朝雪鐘聲落暮朝乍登孤興發相與惜岩窈

案白衣庵一在山谿角鳳山東麓

懷園寺在蓮塘街黃沙巷明鄭一岳未仕時建其後人於乾

隆戊子重修採訪

寶蓮寺原在大欖村遷建邑城西門外石岐大廟左何吾騶

赤松堂舊址地逼湫隘同

鳳山古寺在小欖村鳳山之陽申志

普覺寺在小欖王官營今陳憲坊祀南宗禪師採訪明經何源道

香山縣志 卷五 古蹟 寺觀附 六

建張府志

開元庵在大欖飛駝山落霞峯下申志

國朝何鳴西秋日重遊開元寺詩殘蟬抱葉吟斜日掛朱林山寺逢秋醉溪鐘入午沈有泉從竹瀉無石不雲深坐久涼風起羲皇尚有尋

案何吾騶有開元泉記庵以泉得名

寶林寺在陵岡村何吾騶有雷題詩刻見金石採詩

聚龍古寺在濠兔村側暴志寺創自前明初月朔龍都人咸來

聚讀法於斯故名既以佛地不便宣講隨於寺左闢建鄉約云採訪

西山寺在縣治西武山上明邑孝廉毛可珍讀書處延僧居

之國朝順治間知縣胡戴仁康熙間副將朱明重修阮通志

山門顏曰第一峯有大紅棉六株數百年物僧能亮嘗題詩

云山小更無雲出岫臺高空有樹參天遞年香燈穀三十石

皆取給於毛氏採訪

國朝何準道宿毛氏武山別業二首客居敢求廣初意假一
塵入門睇寒山茂蔭連飛軒紆迴紛削劣縹緲凌蒼煙木葉
作濤響紅蕉媚綠天閉門自冥揆席草手一編分子小嶺茶
煮以黃山泉浮光作淺碧頓使塵慮捐令公風雅士折柬相
周旋鑿冰揖我醉歸來枕石眠無復苦差徭靜締山水緣絕
勝倪高士葦中焚龍涎擘煙登奇崖飛步歷危磴不圖城
郭中而能具幽勝當軒綠萬重入戶雲氣迸罨畫垂長蘿石
瘦松不勁木棉老作花凌晨墜苔徑親串時過從屐齒時相
應遠峯如佳人靚服天為鏡明粧翠欲浮輕黛遙堪贈佳人
與良朋廢一則兩病我來幾何時勝事乃能並老僧世外情
深夜一聲磬

眾母庵在豐山側因豐盈倉舊址暴順治己亥知縣胡戴仁

建以祀痘神伍瑞隆撰碑採訪

懷庵在山遙逕四圍皆山中通一澗山險而逕遙也採訪順

治間參將馬雄飛建地接鳳皇山多林麓溪洞之勝阮通

香山縣志 卷五 古蹟 寺觀附 九

天池庵在紫馬嶺村康熙間邑人黃銘建守備吳定鼎重修

暴國朝何濟寧遊天池庵詩東南十里寒山外踏盡雲林見上
方遠逕野藤穿短竹隔花孤磬出長廊鶴依危石分僧飯泉
瀾天池助茗香自信此身
册便得觀心不用悟空王

隱泉庵在西門外三元廟後康熙間守備馬騰龍建暴雍正

戊申士紳廣建乾隆丙申僧一柏募修採訪

國朝何大鯤仲秋月登隱泉寺山亭感賦在昔隱泉寺有亭
名眾香東通睡鶴軒層級下禪房西徑陟浮圖林木鬱蒼蒼
南瞰泉一窪晶晶環修篁高墳枕其北嫩玉深埋藏先綠馬
都司分闡來吾鄉公籍隸太原鳳兼文武長雅慕叔子風詞
客常相將一得窀穸茲山旁尚義飛揚保抱逾掌珠未幾忽天
殤旅櫬歸未得窀穸茲山旁尚義飛揚保抱逾掌珠未幾忽天
咸解綦遂建菩提場馬公去眷戀遺田糧紀理付十人祀事供
山石鑄琳琅越歲馬公去眷戀遺田糧紀理付十人祀事供
丞嘗荏苒數十秋老成漸淪亡住持乏戒僧因之亭池荒蕪
失及桂礎泉穴室頽墻壞塚沒榛蕪斷碑踐牛羊宵小罔畏
忌引類巢上方瓦礫雜糞土堆積成阜罔乃有老禪師飛錫
栖塵廊惻然發浩嘆無術祛豺狼賚志傳賢徒年少品格

寺後巖佛天但願山門莊長者時下車撫景昔徬徨偶遊達
君觸目尤嗟傷慨然首募建分任劉與黃羣賢久同心樂
助無參商爰誦十月吉於歲維昭陽我亦董厥事進勉微力
匡次第亭軒成氣象增輝煌煮茗試新泉齒牙生甘香一掃
媛女瑩憑弔陳椒漿山鳥遷喬還寺僧迎客忙俯仰恣瞻眺
逸興宜清狂官別俟三載倦倦心難忘尚歸重登臨酒榭隨
詩囊金風吹我衣明月照我裳頽然自沈醉木葉生微霜長
肅感興廢顧影淒以愴因憶弱冠年萬里思翺翔潦倒因風
塵四十息游韁寒飈席未暖髮白身羸庭安得逢仙靈一旦
行步強翹首問蒼穹天際雲飄颻往事今如斯後事誰測量
棲霞庵在縣治西二里長洲鄉煙雨山下康熙甲申黃朝紳
建延僧說誠佳持

雲運庵在運頂茶亭後康熙間僧定崖創並作茶亭嘉慶三
年知縣堯茂德增建韋馱殿二十五年僧喜常構頭門
隱秀寺在小欖村梅花洞康熙間何斌建

香泉寺在黃梁都乾霧村北張賒山康熙間鄉人梁姓建
桓林庵在插笏山下香林之右雍正間僧元徹建嘉慶二十

香山縣志 卷五 古蹟 寺觀附

三

三年里人黃河清等募修俱同上

香蓮庵在蓮峯左旁有泉井暴志又稱曰蓮堂採訪冊

新庵在縣南十里相傳舊有民居適山上危石欲墜有神現
身樹巔觀者盡出石乃墜遂於其地建庵暴志乾隆十一年知

縣張汝霖重修並撥山園十餘畝俾資暑月施茶嘉慶壬申
邑人改修採訪冊

飛來寺在大字都平山村祀六祖大鑑禪師相傳金身三遷
而後飛至原像為邑紳雷城北十王庵此再塑也附近有旱
患凶飢必現神火嘉慶六年重修

慈濟寺在谷字都沙岡俱同上

普濟禪院在澳門望廈村澳門記略

國朝釋跡刪寓普濟禪院寄東林諸子詩但得安居便死心
寫將人物寄東林蕃童久住諳華語嬰母初來學鳩音兩岸

山光涵海鏡六時鐘韻雜風琴祇
愁關禁年年密未得閒身縱步吟
唐見龍遊普濟禪院詩巍峩寺宇肅清陰欲乞靈芝路可尋
十里松濤驚午夢數聲山磬證禪心犬眠花影雲巖靜鶴避
茶煙蘇徑深好句欲追蘇
內翰石泉槐火費沈吟

正覺禪院在澳門媽祖閣海覺石下採訪

霞峯寺在大欖落霞峯下貢生李楠天捐地倡建

青雲寺在大欖沙塘頭

地藏庵在大欖飛駝山西貢生何聖強建

護龍寺在黃梁都淺坑嶺南

蓮谷庵在龍都大龐頭村左乾隆初鄭大常建旁有書舍數

椽後有古松七株鄭太史應元讀書其中顏曰七松書屋

福園寺在古鎮村綠榕里海濱乾隆三十一年建

姚翁庵即姚少保祠在城隅東水關上康熙間少保啓聖妾

香山縣志 卷五 古蹟 寺觀附

某氏出家為尼創建有少保畫像猶存

雷霞在蓮峯山下學宮北雍正十二年邑人鄭廷章買地構

宇為課讀精舍旁引藕泉為池顏其門曰雷霞嘉慶間鄭權

重修遞有增擴雅擅林壑園亭之勝仍設梵堂招僧司燈火

俱同

國朝邑司馬張汝霖秋日同陳石樵李鏡江鍾鐵橋鄭君穎
過鄭鸞岡雷霞精舍二首看山隔城頭到山如屋裏衣指橋
袖垂語觸磨麈起丹樓蔽林麓半面據山水池亭最幽蔭細
逕分迤邐陡上踏林杪潛入穿花底白雲為綠垣綠陰失旋
晷松如數高人垂髯笑閭市下有雲液泉上有兔絲子澆泉
種茯苓問君幾年矣輕陰山翠加細雨槐花落好鳥時一
鳴置身同萬壑我來得暫閒且以踐宿諾坐久意忘機尊前
行瓦鵲人生攫圭組無繩急自縛長間劊笋劊敢問撈蝦橋
蹤跡判升沈漁樵可商略十畝池上園二頃田附郭禪林五
尺寬况可伸勞脚甘隨愚谷愚不問惡溪惡鄙願終應償諸
君請

蓋各
蔡侑遊雷霞詩竹韻初疑雨苔痕欲化煙十年槐火夢一日
水雲綠長嘯驚猿鶴煩襟洗石泉心香聞處妙同話木犀禪

案留霞本是精舍以有僧常住故附於諸寺之後

北極廢觀在縣東鎮撫司舊址宋乾道五年縣令范文林建

淳祐癸卯主簿宋之望重建申志

宋縣主管勸農事趙希璜記北極觀邑之壯麗者也兩陽之禱朔節之拜必先焉余始抵任謁時觀其階級之崇嚴輪奐之宏敞景象不減于中州退見守者陳夢說曰若其功乎守者矍然辭曰明邑佐宋公實更此宇也初經營隘久廢不茸垂及百年內庭壓矣幾毀寶像兩廡墟矣鞠為莽區門觀亦就頽而僅支耳惟三清殿巋然如魯靈光獨存蓋改造于嘉熙之新元而事力猶困餘未暇理也公見之惻然乃循舊址出新意增廣而壯麗之較已倍為邑人先而邑之勇于好善者亦相與謀曰此為吾等植福基也蓋有以相其役歟故輸財而獻力者相屬木石山富工斷兩從向之壓者今堯然向之墟者今森然與夫就頽而僅支者俱煥然而一新加關二殿左右對峙慈濟祠于東魁星位乎西庭壇儼肅百具整修癸卯十一月始營而落成于甲辰之秋役踰時而民不知倦身督而政自理其他勤且敏皆類此不但心匠而經畫之精緻也居無何詢余求記余知公廉強而明決且志趣大異當且有饒饒可觀者矧夫祀祠更造民有依矣邑校易治土有養矣凡經營矩度皆所指授愈出愈新而各中其則其規矩力量可知也敬授筆記其大略以誌後人公名之望字敬

香山縣志

卷五

古蹟

寺觀附

三

山蕭之世科云淳祐乙巳秋記

太清道觀

按舊志無

在北門外拱北街

阮通志

北帝廟右雍正

甲寅邑人梁金震等醵建顏曰太清宮乾隆癸丑重修有高

以誠李董書二碑採訪冊

案山川古蹟所收詩文取資考證泛詠境物者略存點綴而已其人現在雖名篇不錄

金石第八

商父癸彝

父癸

商父癸彝有足高三寸七分徑五寸三分深三寸九分重

三斤

阮通志

右器爲小欖何氏所藏考史記三代世表殷君以癸稱者一主癸生天乙是爲殷湯然則此器之作殆在湯世歟

父庚卣

父庚舉

商父庚卣俗所謂提梁卣也梁爲繩紋高三寸身高四寸

口徑二寸五分廣一寸九分重三斤八兩有奇香山何氏

香山縣志

卷五

金石

三

之物相傳何吾騶與長洲文震孟同官于朝震孟以此器

贈吾騶云

阮通志

右器爲小欖何氏所藏以史記殷本紀考之商君有太庚南庚盤庚祖庚盤庚卒弟小辛立祖庚卒弟祖甲立皆以弟繼兄南庚卒祖丁子陽甲立則又以兄子繼叔此識稱父庚則非南庚盤庚祖庚決矣太庚子爲帝小甲此器殆小甲爲太庚作或銘曰父庚與禮記檀弓解謂之舉此卣而稱舉者饋食禮注舉飲酒也周禮鬯人廟用脩注脩讀曰卣謂始禘時自饋食始此蓋小甲除喪時吉祭所作器故稱舉耳

辛彝

父作辛彝

鼎子孫

鼎子孫

右商辛彝為小欖李氏所藏高四寸八分深四寸三分口徑七寸一分腹徑六寸七分重四斤有十一兩識稱父作者殆父為子作辛即其子名也鼎析字析子孫蓋析薪負荷之義博古圖解為貽厥子孫亦同此意

乙父卣

乙父

乙父器

乙父

乙父蓋

商乙父卣高五寸八分徑三寸重二斤有奇

阮通志

右器為小欖何氏所藏乙父卣父乙倒文耳阮通志不載蓋識蓋偶佚之商君以乙名者六此為誰乙所

香山縣志

卷五

金石

三

不詳也

周鼎

敦子孫永

敦子孫永

寶用享孝

寶用享孝

右器為城南鄭氏所藏身高一尺四寸八分耳高三寸二分口徑一尺九分三足皆刻龍首以飾其上重十有一斤

伯敦

伯作寶敦

伯作寶敦

周伯敦高四寸三分重四斤有奇

阮通志

右器為小欖何氏所藏伯為爵為字未知其審

季姬匜

季姬作匱

季姬作匱




右器為城南劉氏所藏器為牛形流長二寸周四寸四分身長六寸五分腹廣五寸深二寸容四升當今一

升按三禮圖引梁正禮圖云受一斗此容四升僅當

一豆者古斗豆字通攷工記說嘉量之制云其醫一

寸實一豆漢書律歷志則云其下為斗是豆古用斗

之證然則禮圖所云一斗即一豆耳匱沃盥器事神

若人皆用之古文多作或从金作此从刀作

刀即人字其事人之器與季姬見於經傳者二春秋

僖四年有鄆季姬史記齊世家悼公夫人亦稱季姬

此為何姬不可詳矣

齊錢刀

香山縣志

卷五

金石

五

齊君伋

齊君伋

右齊錢刀為城南劉氏所藏刃長四寸有八分廣寸

有三分莖長二寸有二分廣七分面周有堦峻一分

強環徑寸好七分面與堦平背出莖一分以廣法平

權之重一兩有三分兩之一當古權四兩強今三兩

兩蓋十六兩為斤古今皆同款曰齊君伋蓋太公子

玨公也漢書食貨志云太公為周立九府圖法貨寶

於金利於刀流於泉布於布束於帛太公退又行之

於齊此玨公所造故稱齊君伋矣伋从刀从古

文及見薛氏彝器款識齊侯鐘及寅簋

秦瓦

長生無極

長生無極

長生無極瓦自咸陽以南濱渭而東直抵驪山北麓廢堡
隄垣間往往得之故土人目爲阿房宮瓦

程效秦漢
瓦當文字

右瓦爲仁都黃氏所藏以上林儲胥長樂未央諸瓦
例之疑長生亦宮觀名也秦始皇好神仙盧生說以
所居宮毋令人知然後不死之藥可得於是始皇令
咸陽之旁二百里內宮觀二百七十複道相連帷帳
鐘鼓美人充之各案署不移徙此瓦殆卽二百七十
宮觀所用與

漢駱越銅鼓

諸葛武侯廟銅鼓侈足殺腰腰以上漸穹復弇之以承其
面面圍九尺有三寸出十分寸之七以覆其穹底廣如面
而空之十分其面圍去一以爲腰圍十分其腰圍以其四

香山縣志

卷五

金石

三

爲之高三分其高耳居上對出焉面之暈五身之暈十有
二暈間有午貫文者雷文者飛鷺文者織罽文者連錢文
者貫索文者剡圭文者面四隅畫蹲之觀其目作其首跪
其後足欲躍且鳴長五寸高減五之三中兩畫間故有騎
以兩手控馬而馳者二今佚其一其一并人馬繫之高一
寸八分二十分其高去二以爲之長形製殊古非晉以後
物也小欖麥氏亦藏一鼓差小亦有二騎者狀與武侯廟
鼓同惟騎側更有小馬作遊牧狀爲小異耳

採訪
冊

右銅鼓一在南門外諸葛武侯廟一在小欖麥氏家
越中銅鼓皆無款識文字故金石家不著錄然南海
百咏引虞喜志林云建武二十四年南郡男子獻銅
鼓有銘虞雅號博物所言必不妄竊謂銘者名也古

所謂銘或第肖其形耳象尊兕卣濟南古鼎皆無文字而薛氏款識與辛彝癸舉同列是其證也隋唐以前銅鼓皆有鼃鼃善鳴故以銘鼓卽象兕之例而猶以無銘少之豈通論耶此銅鼓兩鼃間有騎二今存其一與他鼓特殊傳記言銅鼓者亦未嘗及之考後漢書馬援傳稱援於交趾時得駱越銅鼓乃鑄爲馬式還上之云云今尋其文義不云以鑄爲馬式而云乃鑄是因得銅鼓而鑄爲馬式之詞非以銅鼓鑄馬可知也伏波善別名馬蓋所得銅鼓有鑄馬者韉中口齒唇鬚身中數式皆備故效而鑄之謝氏廣西志乃謂伏波以銅鼓鑄馬式蓋未見銅鼓有鑄馬者故誤讀傳文耳得此可以正之然則此銅鼓亦伏波所

香山縣志

卷五

金石

七

得之餘與

晉王獻之書洛神賦十三行石刻

玉枕十三行相傳宋賈似道刻也賈敗棄於糞土揚州人某得之渡江舟覆石落水中康熙間漁人網得虎螭粘其上剝蝕殆甚適翁公嵩年督學廣東路出鎮江舟過見之購以數金審爲玉枕本至粵召善拓者時邑諸生梁清士應召事竣翁酬以二本梁又自精拓一本凡三本一售邑人高以誠一售邑人蕭某其一摹上石卽此刻也清士後人質諸陳澤秀澤秀質諸劉起元其後劉之姍黨毛錫五購藏於家石縱一尺二寸半橫一尺一寸厚八分

採訪冊

右石刻爲仁都毛氏所藏王大令十三行帖刻本頗多此爲玉枕本第二刻彭人傑尹東莞時欲購之不

可得摹一本以去卽此石本也金石家例不收法帖此石爲邑人所刻故用輿地碑目瓊州載六無帖之例著于錄○此篇凡正書皆不著惟隸書草書著之謹識其例於此

宋咸淳鐘款

大歲丁卯仲秋奉籙弟子郭彥聰捨鐘一口入麻洲康王行祠永庇供養以求嗣續庇佑家門子孫昌盛壽縣長永保平安者 咸淳三年八月十五望日謹題

右鐘在城東無量寺據款則鐘原爲麻洲康王廟物麻洲在南門外其何時移今所不可詳矣款云十五望日者承大月十五日望承小月十六日望此承大月故題十五日以別十六日望也

香山縣志

卷五

金石

三

元至聖加號詔碑

上天眷命皇帝聖旨蓋聞先孔子而聖者非孔子無以明後孔子而聖者非孔子無以法所謂祖述堯舜憲章文武儀範百王師表萬世者也朕纂承丕緒敬仰休風循治古之良規舉追封之盛典加號大成至聖文宣王遣使闕里祀以大牢於戲父子之親君臣之義永惟聖教之尊天地之大日月之明奚罄名言之妙尙資神化祚我皇元主者施行 大德十一年七月 日

右碑在文廟明倫堂宋史真宗大中祥符元年追謚孔子元聖文宣王天禧五年改元聖爲至聖至是又加號大成故有此詔據葉經續鑑此詔爲闕復作元典章亦載之惟刪祖述堯舜憲章文武二句耳復字

子靖當時有文章名今其集無傳本得此足以補其
脫文矣元史祭祀志載至大元年秋七月詔加號大
成而本紀加號在大德十一年與此碑題年正合蓋
當時修史不出一手故紀志互異以此碑證之則祭
祀志誤也刻石卽在詔至之日當得其真爾○年代
本次松雪書後今錄於前者尊君也明代碑刻同此
例

趙松雪書米石銘

隸書

余素愛石徧構寰宇所得無一佳者于遺山齋頭見此神品
迺自襄陽永藏之物心竊慕焉因作十字十畫請以易之荷
其持贈奉爲清玩世世子孫流傳勿替銘曰巋崎嶇嶽逶迤
嶙峋質油光璞世寶國珍願以獻之聖人 趙孟頫謹識

香山縣志

卷五

金石

三

右石爲小欖何氏所藏石高闊僅五六寸峯巒崑壑
俱備深凹中小不容刀而銘字刻其間倍道勁真奇
工也

明洪武立學制碑

廣州府香山縣承奉廣州府指揮該奉廣東等處行中書省
劄付准尙書禮部咨洪武二年十月二十五日欽錄到中書
省○驗當日左丞相宣國公欽奉聖旨恁省臺部官將侍御
史○稼建言事理集議來欽此又奉聖旨今後立學春秋○
要祭祀設科分教禮樂射○口每定口來欽此會集省臺部
官逐一議擬於十月十七日早朝奉天門奏奉聖旨節該學
校合行的勾當教秀才每用心講究著行欽此欽依會議定
擬到各項事理洪武二年十一月十八日中書省楊右丞陳

參政睢參政右司郎都事禮部崔尙書奉天門東板房內奏奉聖旨准教定立罪口口這格式各處學校都鐫在石碑上欽此除欽遵外議到后項事理開列于后

一生員入學定例 凡各處府州縣責任守令於民間俊秀及官員子弟選口必須躬親相視人材俊秀容貌整齊年至十五以上已讀語孟四書者方許入學其年至二十之上願入學者聽在內監察御史在外按察巡歷到日逐一相視生員有不成材者黜退另行添補 上項生員如果赴中書省并各行省相視誠恐路遠不便

一選官分科教授 禮律書共爲一科訓導二員掌教禮教律寫字於儒士有學行通曉律令諳習古今典禮書字者

樂射算共爲一科訓導二員掌教樂教數教射於知音律能

香山縣志

卷五

金石

三

射弓弩算法者 上項訓導禮樂射書算律但是能一等或兩等者從各處守令考取所長相口教訓 府教授州學正縣教諭掌明經史務使生員口孝悌禮義廉恥通曉古今識達時務 洪武三年八月 日

右碑在文廟明倫堂額篆聖旨二字下分三段中段僅存末行教諭訓導所受文憑在內受中書省劄付在外受各行省劄付凡廿四字餘皆摩滅矣下段文字存者雖多然率不能成句故不錄惟上段完好可讀今所錄是也侍御史下缺睢字睢稼於是月晉參知政事左丞相宣國公者李善長楊右丞者楊憲陳參政者陳亮睢參政者睢稼具見明史宰輔表明初仍元制設中書省綜理機務其官有丞相平章左右

丞參政而六部尚書爲曹官此碑序楊右丞陳參政
睢參政崔尚書上冠以中書省是其驗矣碑云選官
分科教授禮律書共爲一科樂射算共爲一科而明
史選舉志則稱生員專治一經以禮樂射御書數設
科分教與碑少異史志言御碑言律要當以碑爲正此金石
所以可寶也

敬一箴

有序

夫敬者存其心而不忽之謂也元后敬則不失天下諸侯敬
則不失其國卿大夫敬則不失其家士庶人敬則不失其身
禹曰后克艱厥后臣克艱厥臣五子之歌有云予臨兆民如
朽索之馭六馬爲人上者奈何不敬其推廣敬之一言可謂
明矣一者統乎理而無雜之謂也伊尹曰德惟一動罔不吉

香山縣志

卷五

金石

三

德二三動罔不凶其推廣一之一言可謂明矣蓋位爲元后
受天付託承天明命作萬方之君一言一動一政一令實理
亂安危之所繫若此心忽而不敬則此德豈能純而不雜哉
故必兢懷畏慎於郊禋之時儼神明之鑒享發政臨民端莊
戒謹惟恐拂於人情至於獨處之時思我之咎何如改之不
吝思我之德何如勉而不懈凡諸事至物來究夫至理惟敬
是持惟一是協所以盡爲天子之職庶不忝厥祖厥親由是
九族親之黎民懷之仁澤覃及於四海矣朕以冲人纘承丕
緒自諒德惟寡昧勉而行之欲盡持敬之功以馴致乎一德
其先務又在虛心寡慾驅除邪逸信任耆德爲之匡輔敷求
善人布列庶位斯可行純王之道以坐致太平雍熙之至治
也朕因讀書而有得焉乃述此以自勸云 人有此心萬理

咸具體而行之惟德是據敬焉一焉所當先務匪一弗純匪
敬弗聚元后奉天長此萬夫發政施仁期保鴻圖敬怠純駁
應驗頓殊徵諸天人如鼓合桴朕荷天眷爲民之主德或不
類以爲大懼惟敬惟一執之甚固畏天勤民不遑寧處曰敬
維何怠荒必除郊則恭誠廟嚴孝趨肅于明庭慎于閒居省
躬察咎儆戒無虞曰一維何純乎天理弗參以三弗貳以二
行顧其言終如其始靜虛無欲日新不已聖賢法言備見諸
經我其究之擇善必精左右輔弼貴乎忠貞我其任之鑒別
必明斯之謂一斯之謂敬君德旣修萬邦則正天親民懷永
延厥慶光前垂後繇衍蕃盛咨爾諸侯卿與大夫以至士庶
一遵斯謨主敬協一罔敢或渝以保祿位以完其軀古有盤
銘目接心警湯敬日躋一德受命朕爲斯箴拳拳希聖庶幾

香山縣志

卷五

金石

三

湯孫底于嘉靖嘉靖五年六月二十一日

右碑在文廟明倫堂舊址

范浚心箴

茫茫堪輿俯仰無垠人於其間眇然有身是身之微太倉稊
米參爲三才曰惟心耳往古來今孰無此心心爲形役乃獸
乃禽惟口耳目手足動靜投閒抵隙爲厥心病一心之微眾
欲攻之其與存者嗚呼幾希君子存誠克念克敬天君泰然
百體從令 堪輿是指天地說無垠是無有界限宋儒范氏
浚作心箴說道茫茫然天地廣大無有界限而人居其中便
似太倉中一粒粟米天地這般大人身這般小人與天地參
爲三才有非以形體而言惟其心耳蓋心爲一身之主吾心
克正則百體四肢莫不聽其使令若心有一毫不正則被聲

色所移物欲所攻便動與理反豈不於人道違哉故范氏之作箴雖是常言西山真氏特錄於大學衍義之中以獻時君宋君雖未能體察而爲後世告其致意也深其用功也至是子所嘉慕而味念之箴之作本於范非真西山發揚其孰能之哉嗚呼念哉

右碑在文廟明倫堂舊址

程子聽箴

人有秉彝本乎天性知誘物化遂亡其正卓彼先覺知止有定閑邪存誠非禮勿聽 此程氏言聽之要說道視聽乃爲出言之機一或有差患必至矣前言視之之道此言聽之之道夫人之於視或能察之然又恐聽之未善也目觀之旣善耳聽者須盡其善可也耳目之間視聽之際均爲要焉若聽

香山縣志

卷五

金石

三

之不審則無以知其是非故聽言之際當分別其邪正勿使甘佞之言從入其心心旣受之必爲誘惑書云聽德惟聰卽此意也蓋人生之於天具耳目口鼻之體口之與鼻無所禁者惟耳目爲重故以視聽爲戒朕論之曰口與鼻之無所禁乃彼知之自然也耳目之於視聽乃彼之不能先覺者也如口之嗜味知其甘辛酸苦嘗之自能別也鼻之臭物知其好惡嗅之自能擇也目之於色則愛其豔麗耳之於聲則愛其音律殊不知豔麗音律皆人爲之也所以反受其害口鼻之覺故賢之於耳目也故程氏箴云卓彼先覺知止有定謂旣能卓然先覺則自有定向而人君之聽尤當審辨之也書云無稽之言勿聽又云庶頑讒說震驚朕師此皆聽德之要也人君於聽納之間當辨其忠讒而已忠言逆耳近於違我讒

言可信近於遜我不能審擇其患豈淺淺哉但使吾心泰定不爲詔佞之徒以惑則所納者未必不可所屏者未必不當惟吾心審斷之而已嗚呼審之

程子言箴

人心之動因言以宣發禁躁妄內斯靜專矧是樞機與戎出好吉凶榮辱惟其所召傷易則誕傷煩則支已肆物忤出悖來違非法不道欽哉訓辭 樞機者譬戶之軸弩之牙也戎是兵戎好是嘉好程子之意說凡人所言必謹其妄出輕發如弩之發矢度而思之務求其中焉言易則至於狂誕言煩則不免於支離非聖賢之法言不敢道之於口所以告來世之君子也朕因而論之曰凡人所言必求其合諸道理準諸經傳然後可以爲言也夫言以文身也書云惟口起羞大學

香山縣志

卷五

金石

三

云言悖而出者亦悖而入孝經云非先王之法言不敢道斯之謂也人之於言必加謹焉而人君之言尤當謹之先儒云王言如絲其出如綸王言如綸其出如綽人君之發號施令皆言也令出之善則四海從焉一或不善則四海違焉故凡出一言發一令皆當合於天理之公因諸人情之所向背著或徒用己之聰明恃其尊大肆意信口不論事理之得失民情之好惡小則遺當時之患大則致千百年之禍可不戒畏之哉程氏之作箴其用心也至矣嗚呼謹之

程子動箴

哲人知幾誠之於思志士勵行守之於爲順理則裕從欲惟危造次克念戰兢自持習與性成聖賢同歸 哲人是明哲之人志士是有德行之士誠是念之實守是行之篤理卽天

理欲卽人慾程子說凡人所動作便不可輕舉妄動當審事機可否之如何天理人慾之所在思其事之巨細爲其所當爲然後動與道合無有墜失狂躁之病戰兢惕厲如此者惟哲人乃能之君子可不謹之哉朕因而論曰凡人所當動當求合乎道理察其當爲與所不當爲精別而行之可也而人君之所動爲尤重焉蓋君者以一身而宰萬事不可適己之欲與夫聽信讒佞或恃中國之強而好征伐或盤遊無度而殘虐百姓凡此類者不可枚舉姑就其大者言之一舉動之間上違天意下拂民心而敗亡之禍隨之是非可不畏懼也哉程氏之箴其用心也至矣嗚呼畏之斯四箴者作之在於程頤以斯四箴而致其君者乃吾輔臣張璪也頤之作箴其見道之如此而動與禮合宜朕未之言君子必知矣夫今

香山縣志

卷五

金石

三

璪以此言而告朕與夫昔議禮之持正可謂允蹈之哉朕罔聞于學特因是而註釋其義于以嘉璪之忠愛于以示君子之人嗚呼箴之功宜不在程氏而在於璪也哉用錄此于末云爾嘉靖丁亥歲季冬越三日

右三碑在文廟明倫堂舊址當時四箴並刻今視箴已佚所存者三箴而已

聖諭碑

聖諭內閣輔臣楊一清謝遷張璪翟鑾朕因十三日聽講官顧鼎臣解說心箴連日味思其意甚爲正心之助昨自寫一篇并假爲注釋與卿等看嘉靖六年十一月十八日大學士臣張璪謹奏是月小至日伏承賜內閣范浚心箴註一通臣稽首對揚乃竊嘆曰至哉聖人之用心乎漢董仲舒有言

人君所爲必求其端於天今陰極陽生實君子道長小人道消之時也在易之卦爲復曰復其見天地之心乎自非聖人心學得之天其能體乘發明如此臣愚竊有感焉臣昔讀書山舍嘗揭范浚心箴及程頤四箴以自勵蓋人心之微眾欲攻之者多自視聽言動而入程頤四箴實養心之大目也况人君一心萬化之主而視聽言動尤當加謹焉者也臣於御註心箴敬摹宸翰付工刻石傳之天下萬世謹復錄程頤四箴乞畱神省覽 聖諭輔臣張璠午間得卿錄來視聽言動四箴朕甚喜悅朕前日因聽講官講心箴回宮深加愛尚欲釋其義不能欲己之心未放過只勉強註略仍咨於卿等欲爲藻潤以成所作卿何便付工刻石豈不取人笑乎朕自念上荷天命爲人君長當務學以致其知待粗有領會之時再

香山縣志

卷五

金石

三

註四箴須賴卿贊之故諭嘉靖六年十一月二十二日 臣張璠謹奏昨者伏承聖諭仰見皇上緝熙聖學之至也宋儒朱熹有言自古聖賢相傳只是理會一箇心臣切謂范浚心箴舉其綱程頤四箴列其目相爲發明者也臣以此用功餘三十年莫之有得今聖明啓發一至于此真盲者之日月聾者之雷霆也臣何能贊一辭第當刻石頒布以覺斯世以廣聖學之傳耳然而人見之莫不曰真聖人復生非特堯舜之治見於天下而堯舜心法之秘道統之傳固有在矣程頤四箴尙願聖明啓示謹當再摹宸翰與心箴註並行刻布以爲斯民斯道之幸 聖諭輔臣張璠前日所錄來程氏四箴昨勉強解註朕復思之程氏見道分明慎敬如此以教後人其功至矣但於濮議之中未免力爭耶說誣君奪子故朕又

述數語於末云與卿先藻潤停當然後書示內閣嘉靖六年十一月二十六日 臣張璉謹奏伏承頒示御註程頤四箴臣仰惟大哉皇言皆根諸身心達諸政事真見帝王之學與儒生大不同者也何能復贊一辭但未加獎愚臣實不勝惶懼臣竊自念所務之學雖不逮程頤而所遇之主萬爲過之頤在英宗朝代彭思永爲濮議論猶未定况皇上繼統與英宗繼嗣實大不同使頤居今之世議今之禮豈得復守濮議之說哉謹將御註四箴與范浚心箴通摹宸翰並行刻布以嘉惠天下後世 聖諭輔臣楊一清謝遷張璉翟鑾大學士張璉以宋儒程頤所作視聽言動四箴來告朕深切有益于學朕讀已旬日輒述數語權爲註解用錄出以示卿等嘉靖六年十二月初三日 臣楊一清臣謝遷臣張璉臣翟鑾謹

香山縣志

卷五

金石

三

題皇上所註范氏心箴程氏頤視聽言動四箴俱已刻石乞勅工部於翰林院後堂空地蓋亭豎立以垂永久仍勅禮部通行兩京國子監并南北直隸十三省提學官摹刻於府州縣學使天下人士服膺聖訓有所興起荷蒙采納但亭宜有名伏乞聖明勅定頒示內外一體遵行臣等又仰思皇上前所著敬一箴發明心學甚爲親切宜與前五箴並傳合令工部將敬一箴重刻一通設于亭中五箴并節奉聖諭共六通分刻左右以成一代之制其於風口良有裨益謹題請旨嘉靖七年二月二十二日奉勅旨卿等所言都依擬行亭名與做敬一禮工二部知道

右碑在文廟明倫堂舊址

龍歸寺鐘款

右鐘在黃梁都斗門村款云正統三年又云信官主簿周成考周成柳城人正統元年任主簿見職官表

香山縣重修儒學記

篆額

嘉議大夫禮部左侍郎東莞陳璉撰文 中憲大夫行在都

察院右僉都御史寶安羅亨信書丹 中憲大夫廣東等處

提刑按察司副使桂林賀敬篆額 香山爲邑在海嶼中

周迴僅七百餘里自昔爲鎮隸東莞宋紹興二十一年始陞

爲縣舊有儒學建于縣東隅宋季遷于西隅元天曆中盱江

左祥爲縣尹以其地卑溼弗稱復遷縣東隅故址地位高爽

氣象軒豁誠育賢講道之所士風由是翕然而盛詳見翰林

學士臨川郡公吳澄所爲記洪惟聖朝尊崇儒術學校大興

詩書禮樂之教洋溢海內香山士學彬彬乎其盛視昔有加

香山縣志

卷五

金石

三

惟廟學則仍其舊歲嘗修葺因陋就簡頽圯日甚永樂壬寅莆田林希哲以明經來典邑教越明年與縣丞敖孟墳嘗捐俸募緣以圖修建未幾孟墳去官繼而饒之浮梁馮誠由名進士來爲宰政通人和百廢俱興尤注意教事廟謁之日顧瞻興慨欲成希哲之志乃謀諸同僚縣丞陳李清主簿林沂典史梁傳各捐己俸倡諸好義者香山守禦千戶錢惠劉誠百戶周聰等泊邑士民忻然捐貲來助乃市材鳩匠撤其舊而新之所存者惟廟之舊柱八舊梁二而已肇工於宣德二年冬十月至次年春二月殿堂廊廡始克落成無何誠拜監察御史自時而後閩郡長樂鄭萬奎由舉人分教是邑亦能以是爲心惓惓諭于邑令黃新主簿周成復捐俸募緣補其所未治者儀門齋舍庖庫器用龕櫃咸煥然一新士民驚嘆

以爲昔所未有乃具書徵文紀其興作始末俾後有稽焉予
惟學校之設自三代以迄于今凡有民社者率莫之敢後何
也誠以政治繫於人材人材出於學校然士子之學豈在他
求惟求吾夫子所以教而已審如是於經則明於行則修可
以厚倫可以善俗將見儒風大振士類一新俾香山爲海濱
鄒魯可也若夫由科貢登士版者則思建勲業於明時敷德
澤於生民著名節於邦家庶上不負朝廷教育之恩下不負
諸君子作新之意豈徒務講誦課文詞鈞利祿而已哉是舉
也邑令馮誠實始其事而主簿周成能董後功且其功咸出
於好義者而不煩於民是皆可書故併記之昔正統五年歲
在庚申七月旣望 香山縣知縣黃新縣丞林保主簿周成
典史顧貞前荆門州學□□儒學教諭鄧烈訓導鄭萬奎訓

香山縣志

卷五

金石

三

導郭定安醫學訓科陳禮陰陽訓術□□□捐貲儒士周慈
堅楊餘蔭耆老李康福歐季秀勒石

右碑在文廟明倫堂舊址

洪聖廟鐘款

右鐘在恭常都上柵村洪聖廟款云正統十一年

東嶽廟鐘款

右鐘在良都北丫村東嶽廟款云成化柒年柒卽漆
之別體耳古七或作泰又作漆

靈佑堂鐘款

右鐘在黃旗都大黃圃村靈佑堂款云成化十年

城隍廟鐘款

右鐘在治東城隍廟款云成化十六年

聖堂廟鐘款

右鐘在谷都雍陌村聖堂廟款文多模糊而洪化二字尚隱約可辨蓋雍陌村本名洪化也

迎陽二大字

迎陽

右石刻在月山下字大一丈二尺許其題名已埋土中不可見據申志稱成化間巡海都督張通題故錄於此

鄉主廟鐘款

右鐘在恭常都官塘村鄉主廟款云宏治十一年又云新塘村神丁按舊志茲都有官塘無新塘然則官塘即新塘歟

香山縣志

卷五

金石

罕

忠武侯廟鐘款

右鐘在城南諸葛忠武侯廟款云宏治十三年

三王廟鐘款

右鐘在谷都平嵐村三王廟款云正德六年

北帝廟鐘款

右鐘在谷都平嵐村北帝廟款云正德八年

文廟銅籩款

嘉靖貳年秋香山教諭顏階奉提學副使魏命造

右銅籩在文廟提學道魏校命毀銅佛像所鑄也元二十有四今存二十

東嶽廟鐘款

右鐘在四字都聖堂村東嶽廟款云嘉靖十三年又

云赤坎村鄉老立據此則聖堂村舊亦名赤坎村也
石岐廟鐘款

右鐘在城西石岐廟款云嘉靖辛亥歲季秋辛亥嘉
靖三十年也

康真君廟鐘款

右鐘在恭常都東岸村康真君廟款云嘉靖四十年
城隍廟銅鑪款

右鑪在治東城隍廟款云隆慶元年丁卯仲秋吉造
太保廟鐘款

右鐘在恭常都上柵村太保廟款云隆慶四年又云
長安鄉恭常都蓮塘境考舊志恭常都無蓮塘村名
蓋卽上柵村之舊稱也

香山縣志 卷五 金石

聖

天皇廟鐘款

右鐘在谷都雍陌村天皇廟款云萬曆六年

南洋廟鐘款

右鐘在恭常都南大涌村南洋廟款云萬曆八年孟
夏

三山廟鐘款

右鐘在谷都平嵐村三山廟款云萬曆十年

聖堂廟鐘款

右鐘在恭常都竈貝村聖堂廟款云萬曆十年

天妃廟鐘款

右鐘在黃梁都乾霧村天妃廟款云萬曆十二年正
月二十六日

牛王廟鐘款

右鐘在谷都平嵐村款云萬曆辛丑辛丑十七年也

觀音堂鐘款

右鐘在城南麻洲街觀音堂款云萬曆十八年

康公廟鐘銘

廟貌初成金以聲之兇人毀裂災咎叢之鎔炷鼎新福履綏之鐘簣不移永言保之

右鐘在恭常都翠微村康公廟款云萬曆十八年孟

春其銘內炷字卽鑄之別體耳

侯王廟鐘款

右鐘在恭常都那洲村款云萬曆十九年

天妃廟鐘款

右鐘在仁都西厰天妃廟款云萬曆歲次壬辰壬辰

萬曆二十年

重修城隍廟碑記 篆額

奉直大夫麻哈州知州邑人曹啓益撰文 邑庠生楊肇陞

書丹 周文煥篆額 香山縣城隍廟肇自宋紹興與城

郭並建於一時迄今四百餘年世享鴻龐熙洽之化瀕海而

口者屹然金湯神之庇居多焉歲久棟宇圯蝕廟制隳然隘

也則咸相與愍之顧費夥而筴之無從也會父母孟侯莅邑

申功令振風猷諸所剏革咸次第經略圖之而屬邑耆民周

鎮郭宗顏周延鄭綱楊維楊文倫六人請曰廟之欲一新也

數矣而竟以時詘見昵意者神之默有待也非侯曷克舉之

侯旣已得是請則朔望詣廟顧瞻興嘆曰妥靈迓庥務孰有

香山縣志

卷五

金石

聖

先於是乎夫令之與神歧幽明而兩之誠風馬牛不相入至於彰瘝淑慝使一方之民知所懼而不抵於罰則又若交相待爲理也矧金簡錫而平成格山川秩而百度熙精誠感格之機驗如左券斯廟制之未恢也則所司者誠愧之矣乃置印簿分給鎮等徧題邑縉紳士民義助計得銀壹百柒拾餘兩不足俟捐橐裝資之揆日僝工以歲呈試飭百執事前爲鐘鼓樓上下二楹輪奐奕奕次爲儀門香亭翼以兩廡闌檻甬道甃以文石又次爲中堂後爲大殿皆易腐以堅屏窳爲麗仍故址而式廓焉城隍聖像加飾莊嚴遷六曹位於兩廊建夫人祠於西側隸人士女分列東西大門左右塑神馬二力士二經始於萬曆丁酉年十一月越戊戌年七月而告成夫經國之準不以彌文侈費則制隆秩祀之典不以非神儼

香山縣志

卷五

金石

望

福則禮協非此道也雖極土木之華無所用之是舉也財不出於公帑役不妨農作功享其成眾不稱厲人胥和矣廟貌乞乞眾觀濟濟風氣以完温厚攸萃神斯歆矣歲時伏膺報祀祈禳海氛不入頌德謳吟德馨廣矣語曰有其舉之莫可廢也有其廢之莫可舉也噫由是觀之雖千百世且廟食無間焉疇得而易之首事六人以修廢爲己任可謂勤事尺計寸估巨細靡遺可謂節費不給則措置補之可謂綜理勤事義也節用儉也綜理敏也一舉而三善備焉迺伐元石列其姓氏繫以年月以志重建之所始時萬曆二十七年歲次己

亥正月孟春吉日立

考缺處暴志乃國字

右碑在治東城隍廟

無量寺鐘款

右鐘在治東無量寺款云萬曆二十七年又云施入東嶽廟永遠供奉據此則東嶽廟物也不知何時移無量寺所未詳矣

南洋廟鐘款

右鐘在恭常都古鶴村款云萬曆二十九年辛丑春月

榕山廟鐘款

右鐘在黃旗都黃角村款云萬曆庚戌仲夏庚戌三十八年也

康真君廟鐘款

右鐘在大字都安定村康真君廟款云萬曆四十一

年按萬曆當作嘉靖蓋傳鈔偶誤

香山縣志

卷五 金石

器

湖下廟鐘款

右鐘在谷都平嵐村款云萬曆四十二年

但侯德政碑記

粵東以南濱海而遙為香山縣治稱嶺海巖邑第土瘠人稀民疲財困勞心撫字而哀鴻遍野伏莽盈眸令其邑者實難但侯以洪都名士奉命來莅茲土甫下車即問民疾苦恤民孤寡堅持清白所措事業有古遺愛風禁蠹耗而寬秋夏之征輸飭營哨而免水陸之抽掠禱雨而雨應天格其誠折獄而獄息人服其公其間善政難一一舉又東南一帶枕控滄溟大海民間煮海為鹽一時利之國初設立鹽場竈排二十戶竈甲數十戶分為上下二柵詳令築壩煮鹽上以供國課下以通民用年來滄桑屢變斥鹵盡變禾田而課額永難消

豁竈民有一口而勻納一丁二丁以至三四丁者有故絕而懸其丁於戶長排年者卽青衿隸名士籍而不免輸將斯民供設艱於蚤負由是多易子拆骨逃散四方避亾軍伍瑣尾流離靡所不至侯備得此狀遂慨然以難困救難爲己任退而手自會計將陞科糧銀四十五兩有奇通請于上官以抵補丁課因得豁免玖拾七丁竈民咸舉手加額曰此非賢父母吾民更生無日矣窮鄉地鄰夷奧奸商叢集有市人誤殞奸商從僕奸商不咎市人陷民之家殷者株連至數十輩侯一切申豁惟以市人抵償奸商由是斂迹又夷人慄悍不馴常生事擾我邊疆侯無不撫循有道築關嚴守令一方安堵一時誦侯德政口碑載道矣指日雙鳧詣闕計必調羹鼎鉉斯民恐難借寇故建祠紀績以志何武之思余愧不文第因香山縣志

卷五

金石

五

郭生之請不可以辭爰敘其竟槩以爲侯志侯諱啓元號五廬江西南康星子人乙酉鄉進士也 賜進士第文林郎四川道監察御史鄰治生潘洪撰文 賜進士第刑科給事中奉敕主考山東治生郭尙賓書丹 萬曆四十三年歲次乙卯仲秋吉日立

右碑在恭常都鳳池書院

鼎建玄都紫府記

文林郎荔浦縣知縣邑人鄭邦拭撰 萬曆乙卯季冬吉日

立

右碑在城北北帝廟文不具錄

觀音廟鐘款

右鐘在黃旗都黃角村款云萬曆四十五年

康真君廟鐘款

右鐘在恭常都吉大村款云萬曆四十七年

何象岡詩刻

草書

人生好似空中鳥長翼從風何不之看山偶過凌岡寺明日
題詩知是誰 丙寅仲春同友人劉道倩傅元子族叔海日
從兄弟彌采瑞獻山行經凌岡偶憩寶林菴畱題 象岡山
人何吾騶

右詩刻在得能都寶林寺丙寅天啓六年

洪聖廟鐘款

右鐘在黃旗都黃角村款云天啓七年

城隍廟鐘款

右鐘在治東城隍廟款云崇禎元年

香山縣志

卷五

金石

四六

南洋廟鐘款

右鐘在谷都平嵐村款云崇禎二年

重建大欖天妃廟碑

妙於人之謂神故神道以近人而尊蓋敬而遠之知者之說
也而在人則欲其遠鬼神在鬼神則欲其近人大都神一而
神之情狀百其口於人者不言而信不法而恭不撫摩而禳
祿謂之治世福神如我妙靈昭應天妃其於人惟恐不近而
人之敬之者亦惟恐其或遠之矣天妃本莆田之湄州人都
巡簡林愿第六女母王氏夢觀音大士授優鉢曇花食之孕
十四月生妃時地變紫色異香聞海上空中作簫鼓聲時宋
開寶元年三月二十三日妃幼而神異甫週歲在提抱見諸
神像輒叉手作拜狀五歲能誦普門品經十一歲能婆娑按

節以樂神知人間休咎然以衣冠族不欲有此聲於外間有就妃者亦了無所應韜晦而已兄四人業商往來海上忽一日妃手足若有所失瞑目數晌父母以爲暴風之症急呼之妃醒而嘆曰何不使我得全骨肉乎父母不解其意亦不之問逮兄歸哭言前三日海風大作兄弟各異船冀有所免忽見一女子狀如妹牽五兩而行飛渡濤若平地三人俱得安獨長兄船無牽五兩者是時見彼女子若有人速之去船竟沒也父母始知妃之瞑目乃出神救其兄其不得救者呼之疾也湄州故在海上妃既有道術每凌行島嶼間或乘雲往來人皆見之忽於雍熙四年丁亥二月十九日端坐而化年止二十是後往往見在大海中衣朱衣擁幢幡五采而過里中人因祠之洲上雨暘禱輒應尤喜司孕嗣婦人有未育者

香山縣志

卷五

金石

畢

咸於此祈而得之宣和癸卯給事路允迪使高麗中流遇風八舟七覆獨路所乘舟妃降於檣安流以濟使還奏聞詔封靈惠夫人賜順濟廟號紹興己卯江口海寇獮起妃駕風一掃而去其年疫妃降於白湖去潮尺許掘坎涌泉飲者輒愈慶元戊午朝廷調舟平大奚寇妃見於空中忽起大霧此明彼暗寇悉滅開禧丙寅虜逼淮甸如擁旗幟助戰而圍解莆民故艱於食會是月朔風浹南舟不得往食窘禱於妃卽日反風南舟至焉景定辛酉巨寇泊祠下禱妃不允羣肆侮慢醉臥廊廡間妃縱火焚賊賊駭而出出則風沙晝晦各跨淺而敗有司以奏聞因累封助順等號國朝永樂間中貴甘泉鄭和奉使暹羅西洋諸國有所禱亦如宋路給事允迪故事成祖文皇帝始詔修祠己丑加今銜護國庇民妙靈昭應

弘仁普濟天妃賜廟京師自是遣官致祭歲以爲常一日有一夷國率眾駕四巨舟來迎化身將至國神舟遽沒舟人見舟沒時神飛出水上朱衣象笏北指而去其三舟驚惶不已稽首請命徐以免神舟覆處忽涌出巨山以藏其化身今夷海猶有天妃山云此皆妃從前異跡百千中之一二粵與閩境相接而妃之靈爽又每駕海島而行故粵不論貴者賤者貧者富者舟者陸者莫不香火妃而妃亦遂愛之如其手足吾所居之里四面皆大海出必以舟亦爲其山澤之藪羣盜乘以出沒而妃之相之者纖悉不遺故其間或宦或士或農或商或來或往有於海上遇危難者羣匍匐號泣呼妃如來則有火光從空而下止於檣無檣止於舟之背或其檣柁眾乃起鳴金伐鼓而迎之須臾舟定火將往眾又起鳴金伐鼓

香山縣志

卷五

金石

哭

而送之諸如此類嶺南人在在可據大與尋常飾說鬼神者不同人言父之鞠子兒之呼母以爲情所必急不知此猶有限於勢不若妃之如響應聲所恨廟貌在市廛之上二百年來未有擴其宇者雖妃不必此而後近人而我輩之所以報德者殆有愧矣韓君起龍常與余出入京省相依萬里之命而是時吾之僕蘇芳梁捷者亦預甘苦焉雖遭遇粗康而心之念妃者無刻去舊年臘月因與談妃廟祀事頗不自安韓君乃挾其同志數人就諸大檀越謀爲崇祀之舉自正月初二日起至十三日止所過大欖小欖圓欖共五十八堡皆本境有古鎮村者如告夢使往救其疾也經行男女焚香頂禮如寒之就日凡得施金貳伯三十以崇禎三年春命工改造祠宇于舊廟之右旁其方背辛而面乙其上共捌拾一椽爲

屋凡九中事如左事北帝及南宗六祖舊廟同香火也右則文武二帝居焉此外廚座壁砌几筵幢竿瓶供香水之屬無不畢具起工於庚午年四月二十一日成於是年八月十八日首事二三子爲余命觴焉請曰惟子之能文也勒石以志不朽非子其誰余分不敢辭因敘述其大凡薰沐百拜而進之如此其首事韓起龍李芳新胡聖福韓仲諮詹國耀劉子榮蘇芳蕭上文李永華李昌祚梁思謨詹國棟共十二人諸檀越另有題名茲不具載時大明崇禎三年庚午四月二十一日弟子里人伍瑞隆薰沐稽首撰 第二十世孫番禺弟子員林穆書丹并篆額

右碑在大欖天妃廟卽紗靈宮

普濟院鐘款

香山縣志

卷五

金石

四

右鐘在澳門望廈村款云崇禎五年

星橋廟鐘款

右鐘在恭常都前山寨款云崇禎五年

何象岡詩刻

草書

六翮從風彼一時青山如昨炤鬚眉扶筇可似當年者扛筆亭頭更有詩 庚辰立冬日客遊凌岡傅劉二子海日叔復集燕人崔小山弟伯承稱德甥陳迪光姪怡如陟遐小子旦兼初遊也洗牆見前詩啞然再詠閒足道人何吾驪識老僧永明住持於此毛生超四假館讀書竝爲笑存之勿謂兩度畫墁也

右詩刻在得能都寶林寺庚辰崇禎十三年

三聖廟鐘款

右鐘在恭常都唐家村三聖廟款云崇禎辛巳仲秋
辛巳崇禎十四年

馳馬坡三字

右石刻在谷都不知年代故附於末餘倣此

百洞溪三字

右石刻在恭常都

雲梯二字

右石刻在大字都

案申暴二志藝文皆載明邑人李庚儒學鐘銘今編
訪無此鐘謹附錄於此銘曰於昭皇明聲教廣被率
土普天熙然文治惟我香山建學有制造就譽髦後
先相繼絃誦有時庖廩有次範士冶金爰命臯氏篋

香山縣志

卷五

金石

五

篋以懸高堂其置扣之春容以警以勵凡我同倫各

勉爾思

宦績第九

姚孝資

梁益謙

趙懌夫

洪天驥

趙希瓚

宋之望

答失蠻

劄忽進義

王天祥

黃裳

劉仁秀

程慶祖

左祥

曾純卿

張執樂温

黃宏益

唐堅

朱彥達

沙彥和

王英

周頤

蔡惟溥

馮誠

朱顯

楊昂

林士元

黃正色

鄒驗

鄧遷

陳揖

周行

馮生虞

孟習孔

香山縣志

卷五

宦績

目

五

張大猷

王好善

蔡善繼

但啓元

王如春

周維持

顧其言

冲敬

劉景濟

彭豫

馮楚南

萬坤

林希哲

楊維甫

顏階

陳鶴齡

皮瑩

鄭萬奎

周振

邱嶸

周嘉懋

印光任

魏綰

裴鑲

張令憲

沈蘭

姚啓聖

申良翰

邵廷儀

勞可式

余慶錫

魯遐齡

王之正

張汝霖

暴煜

張甄陶

彭科

孟永棻

彭蕙

堯茂德

許乃來

彭昭麟

馬德滋

李魁元

丁觀國

沈蓮

石娥嘯

李殿華

陳元濬

冀元亨

沈大耀

涂瑗

以上文職

金世任

白色先

以上二人武職

宋

姚孝資紹興十九年以右從政郎知東莞縣事治才精敏下令闔境築隄護田水利大興民蒙其惠時香山鎮惟設寨官一員役屬東莞輸役往來不便庫涌士人陳天覺請建寨為縣孝資如其言黃通志請州聞於朝創立縣輿地紀勝引新圖經於是敦武校尉邕州副將劉必從捐其祖地以為縣治至今賴之黃通

香山縣志

卷五

宦績

宋

至

志 祀名宦

梁益謙荆南人

黃通志

以吏最聞乾道七年來為令

黃通志作端平中誤

自紹興壬申創邑於是十九年矣前此吏茲土者簡陋自恕

至范文林崇建寺觀民益苦之益謙修舉百度氣象一新申志

首重學校課督士子增學田二頃二十有六畝疏南濠水以

灌陂田捐俸置賑濟倉士民德之黃通志淳熙元年代去人思

之為立德政碑暴志祀名宦

劉漢英縣令梁公德政碑廣郡之西南舟行可四月許有嶼曰香山舊隸于番禺莞新四邑間紹興壬申始割而邑之前後長吏低頭行文書而已視邑如傳舍生聚教養漫不加省學用具交邦亦弗靖令尹梁君以吏最聞摧宰是邑下車喟然曰茲土雖僻吾士亦天地間秀民惟閭塾黨庠先王所以課民子弟飲射酬祭之間齒位德行之教去王畿為最遠視州長之教為最密令即閭胥族師之職學乃此校讀法之遺意民未知教雖齊魯之邦亦難理予不飭茲事其何以謁於夫子先時春秋二試士子羣來應故事朔望再拜外足罕至學君於試期輟已膳羅廳事之隅限之程約訓勸獎課以文

也命職學事者輪日講釋經史君時來警諭諸生駢首怡怡
提醒發蒙淑以義也學舊有廩祿斛微劣每供二祀與春秋
教養外廩用不周君乃跡其田之荒廢得於豪民所連阡為
頃二為畝二十有六捐俸量直請于庾使以益用支之饒焉
邑舊有南濠半疏半壅襟扼瀉欲導風氣者動以費尼却
之秀民連捧賢書竟未有登巍科膺臚仕者君毅然決之疏
庫涌之沙岡引庠池之綠帶鋤鋪雲集旬有二日而訖事前
峯屏峙旁護玉立山川草木咸有生氣士既飽德民亦飫惠
置倉賑濟丁歲大稔我用有年皆令尹之已俸也灌田有陂
湖邑斥鹵化為膏腴即南濠之餘波也里無桴鼓之音家無
吏胥之席父慶其子長勵其幼以毋違君命每役之與民子
赴之徹鼓樓之峇崑易戒石之卑陋漏有新籌坊有新亭輪
奐飛棘瞻聽聳動徵功備器民無頹勞始落成公有餘積
始君之來萬目揆揆君不以武競不以懦沮每前人指為迂闊
思爬疏剔抉而不能就者君能以談笑辦之不前人指為迂闊
以不能謝蓋君詩書吏為政知所先務不鄙棄吾民而民亦
易使也諸生深感美化一葦謁子曰自吾邑始創垂十九年
矣得令尹而邑之氣象始新自吾邑有學閱數令尹矣得令
尹而學之規模始就至于山川蟠結自天造地設以來伏奇
隱秀者亦得令尹而軒豁呈露焉其事偉矣願求一言以誌
予曰諸生心令尹之政化蓋有與邑相為不朽者雖不假予
言若士與民他日寧忘之乎至於繼心燈傳縣
譜以無墜令尹之美意又不得不為後來者勸

香山縣志

卷五

宦績 宋

五

趙懌夫端平元年任三年十月卒於官有惠政及人子孫寓

籍黃梁都 申志秩 官注

洪天驥字逸仲晉江人少有異質貫通經史百家淳祐七年
登進士寶祐四年校藝南宮得文天祥卷置之上第一人服其
明景定三年授宣教郎知香山縣至之日以教養人材為首
務修復大成殿明倫有堂主敬美身賓賢登俊有齋皆捐俸
為之歛不及民其為政一裁於義俗諱健戢其尤桀黠者曰
此囚牙去則吾民安矣邑以大治經略使洪勳趙汝暨雷宜
中及倉憲交以邑最上終知潮州與兄文毅公天錫文學齊
名時謂二洪卒文天祥狀其行實所著有東巖集 粵大 祀名

宦

以上知縣

趙希瓚淳祐中任以文學知名

申志秩 官注

木之望莆田人淳祐中任長於吏事留心學校遷學於城之

西申志秩以上主簿

元

答失蠻至元三十年任為政尚寬惠而不擾元貞三年得代

民懷去思申志秩

割忽進義申志秩香山縣達魯花赤黃通大德八年八月到

任恤民勸農察其貧者給以牛種且減其租刻小學孝經以

教民子弟民愛之申志秩以上達魯花赤

王天祥大名滑州黃縣人官至將仕郎至元二十一年為香

山縣尹黃通視篆之初以崇儒為先務修葺學校重建講堂

勸農省役百廢畢舉戍卒廝役之違法者嚴懲之翁然稱治

縣宇廢自宋末攜父老訪求故址得諸草萊中乃捐資修復

香山縣志卷五宦績元

至今沿之在任七年輿情愛戴如一日云申志祀名宦

黃裳元貞二年任大德四年三月得代賦性慈柔臨下以簡

教民以孝弟忠信賦稅不擾而辦尤善吟咏申志秩

劉仁秀大德四年任卓有風采撫民如子動循禮法重修縣

治輪奐一新申志秩

程慶祖至大二年任香山尹正直廉能他邑難平之訟司府

每咨判折又重建鼓樓四年卒於官士民哀悼申志秩祀名

宦

左祥盱江人初任翰林從事受知於學士吳澄泰定乙丑授

承直郎來為縣尹畱心政教申志嘗作勸學篇以訓士刻諭俗

編以警民張府志尋遷儒學修義齋時與士子講濂洛關閩之

學俾有所依歸吳澄稱其政有三善後改知增城其政如香

山擢知萬州卒今香山增城皆祀之

申志

左祥勸學篇人生天地間惟學乃有覺覺則為善人不覺乃為惡方其童稚時賦性本淳樸長為物欲昏氣習或澆薄薄俗不禁止至理日銷鏗卑者不事尊強者必凌弱三綱既淪沒九法亦乖錯問之何因爾由其不能學人為萬物靈於世當有卓毋為徒讀書心放恆自若窮則善其身達則獲名爵明時正尚文鳶魚快飛躍爾投明師朝夕期博約前經要玩味古道要斟酌繫土可成山積黍堪充籥巍巍文宣王天以為木鐸坦然垂聖教萬世欣有託我來尹是邦夙夜憂民瘼才德愧不充未能化奸虐剽竊聖賢緒誠意重然諾每日三省身身拳拳不妄作良善我所嘉兇強即我却風俗期還醇氣質復所斲奉勸爾子弟勤勉無戲謔學則為聖賢千萬加村度

曾純卿元統二年任崇儒下士慈惠及民後至元三年得代

去之日謳歌載道

申志秩官注

張執樂温字敬之冀州南宮人以掾為辰溪簿有能聲至正四年擢香山縣尹廉謹自勵卓有猷為首飭學校次修縣治求訪民瘼政以不擾為本丙戌秋季童入寇海上奉檄平之

香山縣志

卷五

宦績 元

五

民賴以安凡百叢務犁然悉舉靡宇橋梁一煥前觀而民不

知役滿任去民為立德政碑

申志

祀名宦

以上知縣

劉復張侯敬之德政碑蓋聞天下之大海宇之廣設官分職各有攸司獨守令之選每難其人必加遴選非有材優望重慈寬厚仁通經術明治體知閭閻之疾苦者則不足以膺是寄蓋以太樸既散風氣日漓智愚不齊強弱相承實賴守令之得人有以開導善化之仁民愛物之本意也蓋守令之賢否係生民之休戚令所在歲舉廉幹以俟優擢於是守令之選益嚴矣若夫是則與茲選者厥惟艱哉夫以守令重輕關係不苟理亂存焉故樂於心則一境之人喜不樂乎心則一境之人懼官至此亦榮矣雖然深山窮谷瀕海之民一或不獲其所能求直於鄉社之庭者鮮矣矧能赴訴於縣令之庭者乎由是凋瘵痼而不能蘇下情壅而不能達戶口有嗟而民產無恆水旱之豐約相因民日就窮而斂愈迫乃罔聞知吾見守令之難為也張侯敬之世家北冀州之南宮早發軔於承宣之役繼膺殊渥循資歷級出尹香山仁足以愛物智足以燭奸廉足以有為寬足以御眾卓有材猷克稱厥職而無難為者下車之初即敦勵風化勉飭學校尋訪民瘼悉去官之苛政與凡民之不便者首以歲科柴漁擾為先務慨然謂同寮曰吾民供輸之勞誠可矜憫宜具狀以聞諸憲司狀上適際當道廉明嘉尹所請頒榜革除一時小民賴以蘇息且水旱必禱墮廢必興故黃童白叟莫不舉手加額更相賀

慰其士之耆宿懽然來言令尹溫恭愷悌公清正直民懷
畏香山所未有也蓋為我記之以刻諸堅珉庶俾來者知所
勸且以見民黎睠戴之誠余謂張侯之視民如子民亦仰之
如父母信乎書言民罔常懷懷於有仁誠不負天朝選賢之
典然余知張侯之心固無待於邑民之感慕若此也而邑民
之秉彝自不能泯侯之嘉惠厚澤何至哉於是樂為書其實
敬頌其德使人歌詠之於康衢曰疇克為政勞民于思疇克
為治親民如倪民力竭矣困悴且疲既熱以渴亦寒而饑橫
科暴斂莫敢怨容賢侯戾止載撫載綏科輟斂息賦均役齊
饑食如蜜湯飲如飴曩瘵而愈茲寒而衣雨暘愆忒禱輒弗
違公宇百廢咸舉于茲召父杜母千載一時昔則侯德今也
見之克廉克介孔恕孔慈一境寧謐鯨波靖彝民樂豐阜及
時耨耜婦順夫旨子嚴父慈莫報之德惟禱惟
期早登台輔早振臬司為國元氣澤昭德垂

按張執樂溫黃通志作張執非也魏書有元可悉陵
元可新城元史有趙阿哥潘賈增刺渾皆以三字為
名此執樂溫亦其例耳季童黃通志作李童未詳孰
是

黃宏益至順中任元統間得代廉正儉約得治體申志秩官注

香山縣志 卷五 宦績 元 奕

唐堅至正初任二年得代賦性寬厚不形喜怒民甚愛之申志秩官注

秩官注 以上主簿

明

朱彥達洪武五年任有才幹愛民下士奉公不擾卒於官申志秩官注

秩官注

沙彥和洪武九年任廉明剛勁時庶事草創凡所規度皆

可垂為定制十一年滿任申志秩官注

王英莆田人監生洪武二十七年任廉幹愛民卒於官秩官注

注

周頤萊陽人洪武二十九年以監生知香山縣勤於政理善

於撫字黃通志時霖雨害稼民方告災而朝命秋糧兌撥官軍

郡符催逼甚嚴頤即捐俸代貧民輸納申志決斷滯獄囹圄為

空招徠逃民田野盡闢秋夏二稅不待督責及瓜而代老幼攀轅畱之不得改知藤縣陞工部主事黃通志

蔡惟溥泉州晉江人永樂甲申進士太學題名碑三年知香山縣

性純篤喜怒不形勸勉學校撫集逃民時邑有三虎為患惟

溥率民捕之虎患悉除閭里以安任滿邑民保畱不果後陞

知欽州為政如香山切切於撫字州治稱平粵大記祀名宦

馮誠浮梁人永樂辛丑進士太學題名碑宣德元年知香山縣威

而不猛寬而有制廉而不劌得牧民之道時海濱沙田日增

豪右占據輿訟連年誠為斷之其訟始息申志儒學自元左祥

遷復後雖時有修葺率皆因陋就簡誠倡諸同僚及邑人士

大為修治煥然一新陳璉修學記旋以外艱去民尾舟送至庾嶺

而還後擢監察御史累官至湖廣按察使暴志

香山縣志 卷五 宦績 明 五

朱顯延平人成化十四年由舉人知香山縣性敏捷扶弱抑

強積年健訟十餘輩終其任不敢出黃通志在任寡交接鄉紳

中惟長樂令黃瑜樂會令柳齊至即延款竟日以二公未嘗

干以私可為矜式也廨宇橋梁經其營造者皆可久遠凡所

設施吏民不欺軍士之悍戾寄庄之豪狡者咸不敢犯申志祀

名宦

楊昂字孔容建安人按福建建安府建安縣少師榮之孫宏治中以蔭

知縣事里胥以其相裔也或遠逐焉昂曰是欲為陽鱗耶斥

而遠之饋送一無所受臨政愷悌以廉能馳譽繼調順德政

聲如一轍後致仕去其子崇以粵僉憲至兩邑爭先快觀曰

此吾舊父母之子也其遺愛如此張府志祀名宦

林士元字世仁閩縣人正德己卯鄉薦福建通志嘉靖七年知縣

事廉靜慈愛每受訟牒怡色訊之盡得其情舊學宮在蓮峯下已圯士元遷建城中鄉書遂不乏人會上官按部索賄不得坐以事將辱之士元奮衣起曰股民脂膏以媚人死不為也卽自陳母老乞改教職授潮州府學教授怡然就道郝通志

祀名宦

黃正色字士尙號斗南其先江右人本姓廖因亂遷江陰易姓黃嘉靖戊子中鄉試明年第進士尹仁和未滿歲丁憂起復獻徵錄詣銓部座主霍韜時為侍郎心知其廉能欲用為南海令而廖輕在任乃言於尙書汪鋐曰吾欲正色暫令近縣可乎香山雖僻而糧逾二萬亦進士所宜可令也鋐從之暴志初令香山剖斷如流政聲藉藉張府志發奸摘伏出人意料自不能欺之邑之墾田多為番南順新士夫豪民所奪占乃

香山縣志

卷五

宦績明

五

寄庄戶糧至萬餘石遞年逋脫糧役貽累里甲代償民積苦之正色詢知其弊申撫按司府令寄庄戶各就近倉輸納解運邑民翕然稱便視事方一月粵大記會廖輕擢判肇慶改調南海暴志霍氏有違禁者一繩以法獻徵錄勢家尤不少假或以訴於韜益多之薦為監察御史張府志劾駙馬崔元內侍鮑忠不法反為所誣謫戍起歷少卿郝通志

霍韜贈黃正色令香山序略曰香山在郡南海中如瓊崖而差小山之秀峙如垣如屏擁邑治邑南襟帶海洋登高觀焉嶺外之奇境也登圖籍者為里惟三十有五然番禺南海新會順德東莞五邑之民皆託產焉一邑藜五邑之產則多大姓五邑大姓藜一邑則徵賦督逋曉無寧時邑多漲鹵積而為島可稻可菱可鹽可漁有力者利焉大姓交利爭是以夢故為令難余請於太宰汪公曰選黃尹宰香山揀困敝也

鄒驗湖廣麻城人嘉靖十五年任端慎不阿為里胥構害十九年免輿論惜之申志秩官注

鄧遷字于喬閩人嘉靖丙午以舉人知縣事政教兼舉縣治後有仁山為豪猾所占捐俸贖之修建書院集士子講學其中邑多鄰縣寄庄前令黃正色固能吏猶移文取徵至是不召自來遷令各推一人為領袖賦役皆完新會豪民趙恆修奪人田督府檄遷往三竈勘之丈出餘田一十五頃有奇歸預備倉以備賑濟督府獎其賢能移文十郡以為守令法陞嘉興府判瀕行吏以例得柴薪銀歸之遷益以俸金令里胥市牛酒勸農及周老而貧者深山窮谷莫不感動為立德政碑於石岐頭撰文者都御史李義壯也黃涵志

鄧遷發香山次劉潮陽韻三年作縣花能簇萬里朝天葉正秋遠水碧空原一色高雲青草共誰遊梧州江上傾春蓋蓮石灘前滯夜舟分手馳驅遙憶汝崇陽鳧島未應雷

陳揖一字竹澗黃佐泰集新城人歲貢暴志先是邑令鄧遷置營

香山縣志 卷五 宦績 明 堯

浮虛式遏寇虐揖繼至方春遇荒即豫請郡庫贏餘以賑體揖意者皆樂為勸闔邑以濟首除戎器以戒不虞夏海賊過之營卒建旗鳴鼓賊相顧失色而遁比及秋杪蕃寇大舉鄰邑被侵聚百十艘將攻邑城揖乃運籌堅守雉堞皆置兵鳴桴往來不絕賊眾莫測多少薄暮揖率文學龍納言數人躬自巡督每堞必懸三燈時復出奇發礮睦睦若震電賊皆喙息窺伺旬餘皆引去城賴以全揖之功也揖為人慈祥愷悌博通羣籍尤深於易秦泉集

周行字鹿野龍溪舉人隆慶元年任廉而惠以寄庄逋逃請陞邑為州順德縣爭之不果時夷商麗處澳門蕃舶至盤驗有例金峻拒不納惟禁水陸私販及誘賣子女等弊而已申志

祀名宦

馮生虞字德卿大足人萬厯丁丑進士

太學題名碑

九年來知縣

事有清操遇事明敏庭無留牘獄無冤民巨姦皆聞風匿跡時奉檄清丈單騎齎具不費民間一錢造魚鱗歸號冊不爽

尺寸國計民生皆利賴之以最擢臺諫有骨鯁風

郝通志

孟習孔字魯難武昌縣人少補諸生有重名登萬厯乙未進

士授香山令蕃漢以互市起爭孔單騎諭散調吳縣以績著

厯官至太僕卿

湖廣通志

張大猷字武程黃陂人萬厯乙未進士以才調香山會稅璫

李鳳謀駐節縣內

郝通志

大猷言地近海瘴非稅使所宜居且

蕃情叵測萬一犯及稅使如朝廷威德何璫沮而止未幾奸

人附璫者羅織邑民四十餘人璫命私人逮之大猷不可俄

復有人誘璫採礦璫集亡命千人分踞諸山淫掠橫行大猷

香山縣志

卷五

宦績

明

卒

密白大府立擒首惡置之法

張府志

居常廉潔自勵以教化為

己任鄉邑分立文社捐俸建育英館為課業所建妙林塙以

興文運其後捷南宮居鼎輔者皆其品藻士也在邑六年以

治行第一徵就道邑民追送數百里呼號挽舟不能行者累

日

申志

王好善字性夫廣西藤縣舉人城東北福山下學宮隘而就

圯好善毅然以改遷為己任復蓮花峯下舊址庀材鳩工好

善俸措居多

申志

蔡善繼字伯達

朱彝尊明詩綜小

烏程人

萬厯辛丑進士

太學題名碑

上下肅然發摘若神好訟者相戒匿影條上制澳十議未幾

澳弁以法繩蕃目蕃叫囂叵測善繼單車馳赴數言解散縛

悖夷至堂下笞之故事蕃人無受笞者獨善繼廉介素為蕃人所服故帖然受笞累官嶺西道適兩粵總制何士晉下令墮澳城臺一切機宜悉籌於善繼香山之民始終受其庇云

張府志

但啓元字五廬星子人萬曆二十五年由舉人知縣事有惠政先是鹽場日削竈丁逃亡者多丁額猶循舊版至有一人而兼數丁者即徙之他業仍責其課啓元為之清審力請得除九十七丁歲免代輸銀四十五兩有奇竈民為慶更生郝通志

王如春湖廣人申志萬曆四十六年以進士知縣事有兼人才

甫下車即召諸吏試以律算小有紕繆必立摘之已而試諸醫及堪輿家術不精者悉驅出境曰無令此曹誤吾民也捕

香山縣志

卷五

宦績 明

空

險健訟民置之法下令曰凡訟必以情涉僞者先治其誣然

後視事曲直由是無敢欺者一時稱為能吏郝通志其試士也必自為文以為多士式讌邑之縉紳必吟詠終日舉觴引滿

蓋其意氣自命多如此暴志

李孫宸王明府膺獎序南楚王侯之以名進士來令香山也未三月香山大治邑人士紳父老若而人慮侯以例當入覲相率詣部臺藩臬諸使者陳所以不能一日離侯狀然而諸使大夫士庶為文以頌大率廉明惠愛所以歸美我侯者甚備然未嘗窺侯之細而約言之也九未嘗識侯之大而博言之也某以學博諸君請次當有言敢明徵其詞夫吏之廉猶女子之貞耳豈女子可以貞特聞乎語云至察無徒又云小惠未遍即非所以語吾侯之明與惠而要非可徒以明與惠徵侯也諸君曰然則子何以徵之某曰侯之貌如其衷也侯之感人人人喻於侯之衷也曰何徵侯之無奇也曰此子所以識侯之細識侯之大者也吾觀夫今之釋褐而為令者無論其凡者也即所稱才謂幹立之賢一旦縮咫尺之符輒矯而振之曰其何我者萬耳目也巧嘗我者萬心也吾不可不別矜一體貌不可不別標一局面不可不別設一議論庶幾為使人不可知者以示之重而於以伸吾籠絡駕馭之權意合

者親民者也易曰易知則有親我不知民而不知於民而民安親焉王侯之初下車也某從士紳後奉顏色而貌坦然而氣灑然而詞便然雖紳帶肅穆中而一種高朗夷曠之韻溢于眉宇徹于肝脾無不可披以相示既而接尾諸弟子員又既而晨朝三老里賦長宵役咸人人傾瀉盡其情弟子肅禮于賓署考德問業者周歎而靡敢以奔競嘗也日午坐堂皇胥役引兩造而次第獻之後獻者旁立而覘先獻者成稍相引去追詰之則曰不意我侯握秦鏡而泣禹車吾儕小人情實爾爾敢復煩獻也賦役不費徵比第以羨耗悉除而民自樂輸恐後也邑故枕澳鏡諸夷竦息相戒曰吾比見一大人而還各無以漢法為嘗也凡此豈侯鯁鯁而飾人人而悅務見所謂廉明惠愛也者蓋侯之赤心白意表裏洞然第以一日為令則一日有為令之體而當一日實行其為令之事而其視邑之鄉紳人士無非平居投分忘形之侶也編戶童叟無非其家之主伯亞旅也人人知侯亦人人為侯可知又何處可矜體貌標局面而設議論而示人以不可知耶桃李不言下自成蹊澤上有風則中孚自然之感受矣香之未數月而大治也部臺之未數月而交騰刺薦也侯之孚也竊嘗流覽人倫提衡月旦每見吾人生平建荷往往可望氣而識亦惟是窺一方營一職則沾沾塗飾或支吾取辦耳若事變所以助勸世運所以撐轉定非可望之厚貌深中伊優謹愿之輩間閱宋史如寇萊公張忠定兩公皆起縣令陟台鼎史稱其俠豪慷慨彼其能見能行片言立決談笑自如伸縮不拘卒能奏績澗淵平定西蜀炳炳殊勳為宋臣罕儷豈若

香山縣志

卷五

宦績明

空

夫卑陬齷齪塗人耳目者今天下非無事之日也助勸事變撐轉世運非得如寇張二公者何以為聖天子宵旰之倚毘則舍我侯其人者安歸乎彼徒以尋常廉明惠愛徵侯者是未窺我侯之細者也以邑之治狀美侯者是未識我侯之大者也學博諸君曰善遂命墨卿

按太學題名碑王如春萬曆丙辰進士台州龍巖人

周維持字爾調金壇人萬曆己未進士泰昌元年任樂易親

民喜造士設仁山書院課諸生有仁山會課稿辛酉邑舉鄉

薦五人一解額一連榜進士皆其首擢士

申志

按周維持各志職官俱作天啓元年任存參

顧其言字公綸上海人崇禎庚辰進士

太學題名碑

是年任時御

史柳寅東按郡丰采峻肅下吏憚之其言直陳地方豪猾民

隱艱難立談移日猾吏聞之逃匿吏治既肅乃敷文教士一

經拔識如登龍門焉縣城故廡薄其言捐俸增築甕城城外

建臺自顏曰鬱金曰來青嚴保甲盛守禦備鄰境亦賴以安

歲饑出積儲勸賑恤荒不為厲事聞詔進給事中去之日士

民遮畱塞路如失慈母云申志以上知縣

何吾駟顧侯公綸靖攬溪序今天下亟需才尤亟需大用之

才不佞以為才而大用之必其大用而才也才不可先見待

其大用而見之則已晚莫若就其地焉試之遇其地弗值其

事猶無見也乃吾邑顧君侯則若有以試而見之矣方茲我

香山下車詢黔首疾苦詢老更利病穆然皇然百務修舉城

壙復隍總總然慮之得策培築以登陴為堂事者累月雉堞

隆隆雄諸縣寓矣以是為試而不逞芘荏苒以居往歲稼未成

起機四環海川塗錯雜羣不逞芘荏苒以居往歲稼未成

輒出標掠四方民患之余告于憲邦諸大夫咸惟使君亟捕

之民遂有秋賦計誦圖大逞以鄉兵為口實鄉兵奉文繫賊

人邑要而戮於海上梟聲益惡血飲入市捧刀列戟而前自

乙徂已凡五夕呼火傳兵相屬蝸蟻湯沸幾幾乎半易其良

時君侯方將邑校士入省余亟使人閱告君侯請即集大兵

迅下可以疾捲遲乃不戢既而君侯毅然至矣君侯與治兵

大夫挑燈計畫嶺東巡道魯使君時亦至欖商權合遂治兵

先擒其獍於海者得四渠詢所同黨又得十數人會於投匾

捕獲易易耳哀此不臧疇忍駢彘不惟其虔劉惟其康耆是

香山縣志

卷五

宦績

明

奎

以難也賊多脅從非爾民始心今速來歸見汝父母妻子皆
汝宥汝毋汝誑於是涕泣求生者纍纍來見侯皆視而撻之
標於大門俾厥長領歸自是緝渠必置於重典歸命必俾以
新圖遂獲居藏者禦貨者事乃大定侯得手應心迎刃若然
二日之所藉以安也氓之無所擊刺再乃曰此非一日
能式相以致斯比詢之果其所為編戶奉令甲者皆為富人
烏合聚慝非必出友望也君侯乃曰果若此奚能責其正
告哉乃大昭示環鄉而分方類族而辨物千夫長伯什夫長
必鱗次相制必慮井要會凡一夫不淑其九共之眾乃大怖
咸驚起曰自今其敢不悛侯復躬履伏舍繩樞甕戶必窺靡
遺一語治攬三浹日而賊悉平民悉父乃不縱一愆不枉一
良不餐一粒於百姓不假一語於徒胥滿志善兵而藏之還
縣之日余治酒脯饌舟送於海口二人者日夜謀焉天日見
之鬼神聽之攬山櫓水永載之入此威維侯功德噫此侯之
夫士人商賈工農世處此出入焉見夫始事百里外視憤
所以試也乃所以見也使侯識不到則方始事百里外視憤
懣懼發難端而不敢入焉見夫始事百里外視憤
褒譏饒饒濟濡尾為之周章疑憚不舉夫始事百里外視憤
悔罪輸誠收之或不專來之終不安既去莠保苗區區遊魂
餘魄不姑付之山魘海魅安堵寧謐之速按堵復業既熙既
穰匪善後多方保無竊發之憂天子使四方引領式望以為
故全也方今已試之材為明天子使四方引領式望以為不
可幾及文武吉甫壯猶方叔憂憂乎繁崇稱之顧好謀乃成

奏言終始得幾人幾事考之試焉見焉亦嘗鑿鑿有可指數
否吾父母也蹈大難成大功永大禧勇大德容湛九淵明出
十日矣爰率鄉黨紳衿耆老登堂載拜咸曰有斐君子終
不可諛盛德至善百世不能忘也是為序

按顧其言各志職官俱作辛巳十四年任惟申暴二
志列傳作庚辰十三年任而秩官仍作十四年蓋十
三年授官十四年至任故有差互耳

冲敬洪武元年來為丞當草創之初才幹有為縣治舊在城
內元末徙於蓮峯經兵燹而廢申志敬訪在城故址經營廨宇
縣治既成百務悉辦流移四集狂寇倏至敬率民捍禦寇乃
遁去民賴以安竟以勤死獻徵錄參政周楨為文祭之聞者感

動明史周楨傳祀名宦

劉景濟福建人人材洪武十九年來為丞性寬政勤薄以自
奉厚以愛民二十二年憂去申志秩官注

香山縣志

卷五

官績

明

齒

彭豫字與志泰和人舉明經為萬安訓導以言事擢縣丞香
山在海島間地遠俗囂前為縣者率尚猛豫至即寬其教條
流亡來歸瀕海諸屯帥暴橫為民害者往往擇民膏腴田誣
以荒廢據占自利郡縣不能制豫曰帥欲病吾民乎豫在不
可得也乃悉追還民申志縣有大猾恆持長吏短長搖撼以騁
豫悉捕置諸法奸宄斂跡海寇常掠民婦女貨貨出入倏忽
不可蹤跡民苦之豫設方略教民掩捕迄豫去寇無入境者
瀕海歲旱眾禱不應豫自外來曰豈有為文具而可以格天
者乎即自齋沐致禱越二日大雨霑足明年復旱禱亦如之
縣民舍火延及官廨豫叩頭嚮之風返火滅獻徵錄暇即詣學
訓迪諸生遂有登科者時外夷貢方物自香山入京典事者
失封緘朝廷遣御史按問事連豫其子啓和願以身代邑民

皇皇恐豫得重罰會赦獲免民大喜迎以歸坐是不得遷在
邑六年考績卒於京邸民悼惜之申志祀名宦以上縣丞

馮楚南洪武三年任案牘清理贊政有方申志秩官注

萬坤南昌人嘉靖十一年任賦性剛勁好詰奸慝申志秩官

以上典史

林希哲莆田人舉人宣德二年任文行兼優和易雍容人樂
從之隨賢愚皆自取益嘗倡修學廟未成而卒在任四年士

風丕振申志秩官注祀名宦

楊維甫長樂人舉人宏治十一年任文學優長勤於教誨鄰

邑士聞風相從在任九年憂去申志秩官注

顏階字德升龍溪人正德十六年以舉人來為教諭莊重醇
雅克副師範首建遷學之議繼毀淫祠以立社學禁師巫以

香山縣志 卷五 宦績 明

奎

崇正教嘉靖初與修武宗實錄辭極精確提學副使魏校開
席講學委階督諸生聽講階坐無隋容言必中節校特加禮
遇巡按御史涂敬以異材旌焉嘗攝縣事廉幹綽有餘裕在
任七年擢貴州印江知縣申志祀名宦

陳鶴齡惠州舉人崇禎十年任教諭醇雅蘊藉每諸生進謁
略去繁儀講文義竟日無倦色其有不能供膏火給喪葬者
恆捐貲佐之飭士習勤會課以砥礪名節為己任申志 以上

教諭

皮瑩吉水人儒士正統六年任長於議論尤精於理致時會
賢盧瑞自負文學一見瑩皆爽然自失卒賴指授以成申志秩官

注

鄭萬奎長樂人舉人正統八年任嚴毅方正長於文學陞廣

州府教授祀名宦

暴志職官注

按申暴二志作永樂人今據陳璉學記改正考璉記則八年任亦悞已見表

周振南靖人歲貢宏治三年任學行俱優非公事不輕至邑遷學宮於蓮峯捐俸構樂育亭於宮前聚徒講解陞感恩教

諭申志秩官注

祀名宦

邱嶸龍巖人歲貢正德五年任訓導卓有師範到任未久卽

捐俸易櫺星門石柱宮墻煥然改觀校士必面訂甲乙凡經

指授者先後悉登高第諸生有不能給膏火者輒厚贈之尋

陞東陽教諭士人挽留不得立去思碑

暴志

祀名宦

以上訓導

按表正德四年任又易櫺星門石柱據建置門學校為知縣梁榮事與此異未知其審

香山縣志

卷五

宦績明

矣

周嘉懋浙江人機警有勇略崇禎十四年任香山司巡檢諸

鄉萑苻不靖晝夜無寧晷嘉懋率鄉兵禦之多保障功時邑

令顧其言指授機宜故嘉懋得以自効云

申志

以上巡檢

案舊志諸雜屬姓名多湮沒然猶表其尤者元至大間香

山場管勾有史從善賦性廉明課以時辦上不欺公下不

損民至今稱之永樂中河泊所官有徐希賢廉靜知文學

扁所居曰梅溪小隱日惟吟咏其間怡然自適成化間倉

大使有湯思和儒雅頗涉獵書史工篆法好吟咏醫學訓

科有陳禮番禺人術業精專雅好吟咏子駿世其職亦以

術鳴宏治初今附書於此毋使其弗聞焉

申志

國朝

印光任江南寶山人舉孝廉方正乾隆八年六月夷人曠晴

喇仇劫呂宋船復擄其人風急飄至獅子洋光任時知東莞

縣上官檄往詰之暴志光任知其篷碎糧竭將有乞糧之請而

修船必需內地工匠略捉擄之可制其死命乃歸告上官請

先遏糴以飢之再匿船匠以難之嘆酋果不得已命其頭目

叩關求見公直曉之曰天朝柔遠一視同仁惡人爭鬥汝

能獻所俘呂宋人聽中國處分則米禁立開當喚造船者替

修篷桅送汝歸國嘆酋無可奈何伏地唯唯袁枚小倉山房文集還所

擄二百九十九人上官廉其才題授肇慶府同知尋改澳

門同知駐前山寨暴志居無何蕃部哇啞人澳貿易嘆咭喇

貪其利先後發六艘詭言來市陰謀篡取光任察其姦駕戰

艦督水師營兵出海召嘆酋厲聲叱之曰若來何為利人貨

物將作賊耶我奉制府令若傷哇啞人即將爾國人之在黃

香山縣志

卷五

宦績

國朝

奎

浦者抵償若奪其貨即將汝貨之在牙行者抵言訖揮健兒

千餘披甲張礮環其船而守之嘆酋禁聲登時六船搖擄去

而哇啞船早已安渡虎頭門矣光任任海疆久於諸夷種類

支派某強某弱某狡某愚其地之山川形勢靡不部居別白

於胷中以故先事預謀當機立斷終其任海面肅然小倉山房文集

魏綰字帝臣貴州平越州人康熙庚子舉人雍正十年試用

廣東知縣歷任增城南海石城新寧俱有惠政忠雅堂文集乾隆

十九年任海防同知張府志崇儒重道勸諭十三鄉人建立鳳

山社學既成日集諸生課藝其中採訪冊後卒於官年五十有

八忠雅堂文集

裴鑲字鷺臣乾隆間以布政司經歷署海防同知視民如子

值歲饑竭力籌米賑濟民賴更生去之日邑民製袍擁道雷

之採訪以上同知

張令憲字胥游無錫人貢生順治八年任申志按秩時郡

邑初定粟米芻藁之供倍昔令憲屬父老曰徵輸急矣顧茲

殘黎吾不忍迫也盍完而課罔罹於法民感之壬辰歲饑賊

梁子直等率飢民直抵城下蟻緣而入城破令憲罵曰吾與

城存亡身死分也顧其子曰死親孝也遂父子遇害贈太僕

寺卿祀名宦張府志無子廕兄子達入監讀書補浮梁令暴志

沈蘭字丹穎德清人貢生申志順治十一年由教職遷知香山

縣中道被劫行李蕭然里胥密以金餽弗受張府志至之日齋

宿告城隍著誓章以見志手書而口誦之申志時兵荒後貧富

交困蘭加意撫循嚴汰供應差費禁戢悍兵市易流棍土豪

一時斂迹士民始有生意大清一統志每朔望後一日延紳士於

香山縣志 卷五 官績 國朝 奕

堂課文講學申志涖任三年頌聲日起以強項去職邑民思之

郝通志

姚啓聖字熙止會稽人奉天籍浙江通志

聖祖登極啓聖以布衣上疏請八旗開科袁子集康熙二年癸

卯啓聖卽舉第一李厚庵集三年來知縣事性沈毅有文武才阮通志

下車日卽以興利除害爲己任時南方洊饑盜賊竊發暴志

香山地瀕海盜出沒不常啓聖聞警不介馬而馳士卒奮勇

爭先賊皆挫衄去值再遷西北諸鄉界鄉民挈妻孥號於路

督遷之營弁猶恣掠啓聖挾白刃前曰是皆吾赤子也顛連

至此尙忍然耶弁感之悉還所掠阮通志照則循行阡陌勸課

農桑雖時值倥偬而能畱心學校培植人材都人士絃誦之

聲未嘗或輟暴志初澳門賊霍侶成弄兵大吏不能制啓聖以

計擒之復叛又出奇兵縛以歸海始靖而督撫忌其才顧以通海誣劾將置之死啓聖夜見平南王以危言動之王上疏白其枉督撫皆自殺而啓聖罷官李厚菴集去官日士民涕泣奔送踰境阮通志會康親王討耿精忠素稔啓聖才具幣招之李厚菴集啓聖遂招邑人毛天獅勇士鍾寶等往相輔立功臺灣平官至閩浙總督加少保祀邑名宦採訪冊

申良翰涇陽人康熙十年以舉人知縣事申甫下車即與教官歐陽羽文倡修文廟復九曲水尹源進記繼修邑志時值兵燹之後良翰綜核地方大勢作形勝一篇於犄角策應得其要領今言邑海防者猶師其意焉十五年撫賊陳器瑜糾合海寇攻邑城乃與副將白色先勒兵守禦待援兵之至邑故多虎患作文牒城隍神驅之虎遂去採訪冊

香山縣志

卷五

官績

國朝

堯

申良翰牒城隍文嘗讀苛政猛於虎之言即撫膺自矢日不出而司民社則已苟出而司民社苛政焉忍為之今筮仕茲邑多虎害民畏之猶苛政也司民社者與有責焉良翰德薄不能如劉桓公使虎負子渡河維神為民社主聲靈赫濯禦患攘災邑人攸賴是用虔戒致禱於神其默相之取彼戾蟲投異荒裔毋俾滋害不用命者納諸陷阱殪于鋒械使嶠無負使穴無踞茹寮不驚四野以清此邦之黎赤獲勤稽事而急公好義實蒙休庇鑒茲誠悃幸勿我棄

山知縣有善政

大清一統志

勞可式字詛菴山東陽信人康熙二十七年以舉人知縣事縣自清丈後未及歸圖虛稅尚為民累可式至清釐稅畝圖籍井然尤明察善斷豪猾不敢逞有嚇索者立置之法善類保全三載以政最擢戶部主事暴志余慶錫長垣人康熙己丑進士太學題名碑六十一年知縣事慈

惠廉明杜苞首除陋規聽訟開誠勸諭折兩造以片言惟以
移風易俗為務有為賊所污者力白其事於上官獲湔雪焉
暴雍正二年奉 旨增廣學額邑屬大學例得增廣而蠹吏
志沮格不行邑士何仞櫟已籲于上官慶錫復力詳請事始濟
暴率勸輸越月而賦集尋復被論既去官養飧不給士民餉餽
志不絕登舟時餞送者數千百人卽鄰邑之鬻蔬果者亦各以
其所有獻云 暴

魯遐齡會稽人雍正癸卯進士 太學題名碑 十年知縣事明敏有
幹才理繁劇裕如也邑故好訟遐齡至發奸摘伏斷決如流
民多畏服邑東竹山洲素為萑苻藪遐齡偵知情形親履其
地人皆危之乃不旬日弋獲殆盡聲振一時重學校捐俸修

香山縣志 卷五 官績 國朝 辛

繻星門建尊經閣葺書院置經史其中延名宿課之凡所拔
識者先後多獲雋焉去之日民遮道不忍舍 張府志

王之正順天通州人舉人 張府志 性廉介伉直有威嘗令他邑
其邑人德其治以紗籠燈壽之之正念不可距受而歸於神

祠其廉介率類此乾隆九年署縣事甫到任澳門夷毆斃漢
人匿兇不獻檄飭之不應之正單騎馳諭執法愈堅諸夷懾

其威且廉也卒獻正兇抵法尤加意造士欖山書院新改建
於藍田坊經制未備之正首議增飾厥後張暴彭各令繼而

愈盛故書院至今皆祀之 採訪冊
張汝霖宣城人乾隆十一年以拔貢知縣事廉介公慎有經

世才邑民阮阿珠被採膽者誘至湖州山割其腹氣未絕有
告其母者母趨視之詢兇賊姓名阿珠以龍眼都高姓告母

聞之官時方大索採生奸徒上官嚴檄責捕高姓汝霖曰安有殺人而肯告以姓耶密訪五日得其主名一訊而伏乃劉而嫁禍於高者人稱神明縣南羅婆陂久爲豪強改築過水自利爲勘實修復故道藉灌漑者數百頃其他善政不可枚舉擢澳門軍民同知蕃僧以天主教立廟誘眾汝霖密請大吏人告毀其廟私人教者罪如律方毀廟令下夷人傲然不服有兵頭者尤桀驁欲以武抗汝霖捧檄單騎赴諭之夷人感悟其膽識濟變類如此尋鑄級去猶條陳善後十事憲府嘉其議勒諸石民謳思不忘暴志

暴煜屯畱人乾隆六年舉順天鄉試暴志令保昌暨連山皆有聲十三年調香山廉明公正闔境肅然有弟訟兄者薄懲之復反覆開導皆感泣去阮通志俗尚祈禳婦人入廟禮神積習

香山縣志

卷五

宦績

國朝

圭

成風煜示禁諭舊俗爲之一變尤樂育人材於豐山攬山二書院增修講堂齋舍復置田數頃爲修脯膏火之資科歲所補弟子員出書院造就者十八九鄉試同榜獲雋者六人復著學規數款書院條約十則以垂後學暴志旋調南海去士民

踰境奔送

阮通志

張甄陶字希周閩縣人總角卽潛心經義有國士之目乾隆元年福建巡撫盧倬以博學鴻詞薦不遇詞科掌錄十年成進士淡墨錄自編修改知縣忠雅堂集十五年來署縣事縣冊能以文學飾吏治權攝不及一期而德政在人者甚夥至今言本邑循吏者咸樂道之採訪冊

彭科鎮遠人拔貢生乾隆十六年知縣事善俗宜民尤以育才爲務先是闔邑九書院雖經各前令遞置公產而猶未充

裕科分撥沙田歸之以爲永久計又詢知大黃圃未建鄉塾
卽親詣其處偕紳士登山擇地卜築於鰲峯之麓顏曰鰲山
書院亦撥田一頃有奇歲以所入資學徒費諸人士無不感
頌特建遺愛祠於書院左偏以祀之採訪冊

孟永棻睢州人乾隆辛巳進士太學題名碑三十九年知縣事加

意民瘼鎮靜廉明時新村劉姓有與庠生張時化爭墳地者
理不直陰戕其病父移屍墳所誣時化毆斃獄幾成永棻察
傷痕可疑偵訪得實申上官白其冤案乃定其於民毫無枉
縱類如此採訪冊

彭翥字竹林雲南蒙化廳人舉人乾隆五十一年由知封川

縣調香山縣冊捕盜有能名尤善制澳夷夷性桀驁多藐法或

以利啗有司翥馭以嚴會澳夷殺人夷目堅匿兇犯翥親臨

香山縣志 卷五 宦績 國朝 七

檄拘夷目謝病不見又欲屈翥會於夷廟翥曰吾 天朝命

吏也夷廟豈辦公地乃張幕設案於通衢盛儀衛召通事及

夷目初皆行夷禮不跪翥震怒且呼杖夷目殼鯨通事泥首

謝并代夷目哀乞翥杖通事而姑貸夷目遂刻期奉約束以

罪人對簿採訪冊乾隆五十三年海賊號平波大王者率眾爲

寇制府福康安調水師擒捕飭翥辦軍需將弁懦不獲盜誣

翥供械朽鈍制府怒召翥出諸弁密揭示之翥請給精兵二

百躬率往討許之乃戎服出哨諸武弁會勦相遇海島中欲

緩行翥不聽行百餘里遇盜船二發礮擊殺十數人賊驚遁

去翥知賊必聚眾來乃入島約武弁齊出洋翼日賊船八九

從上游直犯發礮擊之閉翥知賊以穢物厭勝亟取黑犬血

釁礮果發適大軍亦至擊破賊船俘獲七百餘人制府大

悅飛章入奏以功 賜花翎陞瓊州府同知

小倉山 房文集 翥工詩

著有海天吟中多出海捕盜時作去後數十年澳夷猶懾其

威澳民咸尸祝之

採訪 冊

堯茂德四川峩眉人拔貢生嘉慶二年權縣事才識明決上

官每委訊疑獄輒數語得其情實性尤愛士嘗課諸生以一

日成三制藝一試帖細加隲評列優等者不數年悉登科第

又躬率谷都紳士重建東山書院於東堡諸人士尤感戴不

置云

採訪 冊

許乃來字菊傳浙江仁和人舉人嘉慶四年由海豐縣調知

香山香山西接新會南臨巨洋山海交錯為萑苻藪乃來治

之有循聲七年七月大府聞有拜天地會于沙尾嘴者不知

其處所而恭常都有村曰沙尾乃檄左翼鎮總兵黃標率舟

香山縣志

卷五

宦績

國朝

三

師千人夷其村又委員督之且令乃來曰沙尾村民作匿爾

偕往草薙禽獮不盡根株不得止於是村民洶洶流匪張茂

剛等乘機怵之輒欲集兵械以拒捕求生為名乃來故廉明

與黃標雅相重謂標曰沙尾村民何敢然乃來竊疑之公舟

至南環俟乃來無遽往南環者澳門之南距沙尾村海道數

里標曰善乃來則馳書密諭沙尾村民時日已昃請于委員

戒輿人期曰質明具肩輿食而行限二日至沙尾村村距縣

治百二十里常以一日至乃來令二日者欲偵訪情實且容

齋諭人往復也諭至耆士擁而觀曰許父使來者乎讀其諭

曰大府慮匪人為村毒故欲捕治之無匪何害若有匪除之

福也今愚無知敢拒獄師且至本縣念而等齋于匪人遽懼

大咎心甚憫焉即執惡魁以獻本縣為而等請命不然盡為

戮矣則皆感泣以計擒惡魁張茂剛等越二日乃來與委員至村民老稚數千百人跪迎于路獻其惡魁纍纍温諭之皆驩呼其聲殷天黃名燦者黃梁都巨匪嘗拜會于洲門乃來前已訪聞大府者也洲門鄰近地曰沙尾嘴濱海曠闊無人迹名燦常與其黨嘯伏其中乃來在道時偵得之報大府曰沙尾嘴非恭常之村實黃梁濱海地也卽密移新會守備曹某又飛咨黃標移所率舟師圍之乃來由沙尾村突往出名燦等不意遂擒六十五人於是沙尾村之事得白改其村名南屏乃來治盜最嚴然不喜株累常曰除盜所以安民多殺何爲初名燦等之橫於黃梁也以睥睨殺人村有富人子必脅與會不從則焚其屋戕其子弟當是時市不安肆晝無行人乃來業知之而未悉其巢穴故不輕發至是圍之并得拜

香山縣志

卷五

宦績

國朝

黃

會名籍著錄數千人曹守備欲盡戮以爲功執千餘人猶搜捕未已黃梁居民皆震婦孺哭失聲有欲溺子而自縊者乃來力爭之立釋數百人繫數百人以歸乃來又力辨其脅從盡釋之請大府焚名籍民心乃安是舉也不出旬日大盜盡平恭常黃梁兩鄉之民如獲更生未幾惠州有陳爛屨之亂經年事乃定博羅縣幾爲墟人由是益頌乃來慎密弭亂之功黃標嘗語人曰菊傳真一縣生佛云八年以迴避調廣西臨桂縣傾城送之贈行詩積數卷旣至廣西尋以在香時獲鄰境洋盜十餘人升直隸州知州

採訪冊

邑人請祀名宦

許乃來將之粵西雷別紳士耆老詩是鳥飛香山已未歲八月七星鎮當中眾流抱城闕其南薄巨觀蓮花插溟渤形勢何殷軫謀訴劇軫轆下車一操刀欲割愁未達父老前政辭民生有淑慝良民勤耕讀保之勝盾髮莠民起萑苻去之如蝮蝎寬猛稱物施勿徒事嘖鳴斯言誠龜鑑而我慚鳩拙每思理縣譜深恐玷祖烈所以自勤懲判事寒漏徹承乏逾三

載生怕強努未匪敢憚焦勞備患貴周悉保甲洵良法千載不可掣端藉魁壘賢比閭嚴糾察馴致俗盡淳入夜戶不閉引嫌例他往將與父老別別時春水生父老情意切會當重相見天心憐契闊

彭昭麟字井南四川雙流人由拔貢任南江教諭以軍功陞廣東陽春縣知縣嘉慶九年調香山昭麟有辦賊才初任香山海氛漸熾卽令紳民於近城要地建臺柵以爲守禦十二年夏賊攻圍磨刀礮臺急守弁幾不支報至時已甲夜磨刀距縣城五六十里昭麟檄守備李海熊領舟師守芙蓉沙防賊北入之路自與都司余時高引兵由陸路馳救鼓五下賊不意昭麟猝至懼昭麟發礮擊之碎其船二圍遂解許廷桂者海上驍將也率舟師數千人皆精銳已而覆歿於芙蓉沙賊益熾乘勢欲逼窺縣城副將某怯甚議閉城堅匿昭麟不可獨出禦賊及反城已閉久之而後得入初昭麟將出也召

香山縣志

卷五

宦績

國朝

差

紳士慷慨語之曰守土官以死徇分也寇深矣昭麟以一身捍之何敢辭萬一不濟父母之邦公等幸竭力爲一城保諸衙吏亦愷切誠勉而後行行則僅督民丁及漁戶而已未嘗得一兵隨臺卡卽有兵亦疲不受驅策而昭麟無懼色視賊所在必往擊之賊故畏昭麟能亦少却時十四年秋也冬賊數百艘避風於新安之赤滙角昭麟偵其實卽請兵於提督孫全謀並檄繪船夷船分扼隘口孫全謀軍其西昭麟軍其東爲一舉滅賊計賊乘風張帆西出孫全謀麾師船避之昭麟覺率繪船夷船追之不及歸則歔歔語紳士曰虎狼旣縱不復得矣摩厲以須公等慎無怠明年賊受撫海患紆昭麟前後籌辦者五六年嘗捕賊自澳門歸遇賊於芙蓉沙南賊以鈎竹鈎船幾爲所得時新會在籍侍衛陳大英同在舟中

射賊船篷落乃免今邑人談往事猶曰非彭父母不畏艱險則城外咫尺地卽不保也後以薦陞登州同知援例以知府用督撫奏留廣東歷署鹽運司運同嘉應州知州著有從征過嶺嶺南等詩草採訪冊並詳事略

馬德滋字蔗泉廣西全州人進士嘉慶己未題名碑名德表後改今名嘉慶十

九年來知縣事有才猷性尤好士凡可以嘉惠士林者若橫

舍書院雖形家言猶冀其萬一驗無不竭心力為之詳建有

洪順章職員鄭齡世僕也齡死圖反其主訟齡子職監廷楓

于官不直則乞當路者為言于巡撫右之委候補府某來質

其事且檄校官以廷楓戒飭德滋不可刻日同委員集訊縣

庭紳民聚觀如堵墻廷楓呈其券信委員詞塞事得平反公

憤以伸至今人猶頌不衰採訪冊以上知縣

香山縣志 卷五 宦績 國朝 美

李魁元湖北竹山人廩貢生乾隆三十五年署邑丞縣性廉

明有叔訟其姪求笞之許餽五十金魁元陽許之徐察其事

姪理短而惡其叔之用賄也遂却其金而寬其姪罪第訓誡

之而已與太學生吳某善暇輒彼此倡和不談及公事人以

為相得益彰云採訪冊

丁觀國宛平人副貢生乾隆五十九年署丞事縣先是有閩

匪屯聚望廈村為居民害又時擄行人勒贖莫敢誰何觀國

廉其實請諸縣捕之匪皆能鬪且眾捕役不敢前觀國手鐵

簡先進村民助之執其首惡若干人置之法餘俱逐回閩民

賴以安既去官民尸祝之採訪冊以上縣丞

沈蓮江蘇江陰人嘉慶十三年以議叙任典史縣有盜砍山

松者為地主所執餽蓮數金乞究治之蓮詢悉其情憫其貧

語地主勿治且反其金時海寇勢熾甚嘗逼小隱港蓮督民壯力守礮臺發礮殪其二賊而大環江尾頭諸村復助之賊遂退蓋素行孚人故人皆樂爲用云採訪以上典史

石娥嘯字鐵霽興寧人康熙四十六年以舉人任教諭聞邑明經蕭立有衛伯玉風首造其廬又謁黃泰泉祠購其文以志景仰爲文奇宕古峭課士之暇集博雅者校讎古籍講明而切究之戊子應粵西聘分校鄉闈所拔皆知名士首議興修蓮峯學宮卒底於成凡有關風化者亟撰文以表彰之在任十年致仕暴以上教諭

李殿華字實廷順德人康熙三十六年由廣寧歲薦任訓導貧士之賢而有文者舉爲里塾師且資以試費諸生修脯概謝絕列尹重之流連款洽而華未嘗干以私任六載因病告

香山縣志

卷五

宦績

國朝

七

歸人士懷之暴

陳元濬字雄深澄海人乾隆己亥 恩科舉人嘉慶二年司訓香山品端學博訓迪有方每月課諸生必作程文以示準的在任五年以老告歸諸生攀轅祖餞相屬於道咸依依不舍著有致和堂文稿行世採訪以上訓導

冀元亨山西平陸人拔貢生乾隆五十一年攝香山司巡檢縣時值歲饑攬都民多菜色元亨屏去輿從偕紳士之好義者徒步勸輸民賴以濟又嘗延集攬中人士於攬山書院課較詩文優加獎賞攝篆僅數月人咸頌之採訪

沈大耀順天大興人乾隆五十九年任淇澳司巡檢縣廉而慈時有叔與姪爭水而毆傷其姪者其姪訟之大耀諭之曰此微傷也且以叔毆姪當忍受何必訟其姪感悟而去故事

官市肉率半價大耀必依民價給之後卒於任篋空如洗民爭賻贈喪乃得歸採訪冊

涂瑗江西新城人例貢嘉慶三年任香山司巡檢縣冊性仁厚在任數年不擾一民卸篆後貧不能歸挈眷借寓櫬都社倉諸紳士重其為人延主鄉約事後卒於客邸採訪冊以上巡檢

金世任字泰元浙江義烏人本名家子以儒術干有司不用

則舍而學兵法申志崇禎十四年申志任前山叅將以威信為

澳夷所懾服申志與縣令顧其言申志協和共事嚴飭士伍毋

敢厲民軍士經其節制無不以一當百是時連歲荒禱沿海

諸鄉間相聚為盜世任曰是豈民得已耶每奉上檄追捕賊

渠散脅多所存恤申志

香山縣志 卷五 宦績 國朝 矣

白色先鑲白旗人暴志康熙十四年任香山協鎮勤於訓練

次年五月朔撫賊陳器瑜糾集海寇鍾吉生輩聚船數百圍

邑城色先偕縣尹申良翰竭力經營諸守具纖悉畢周已而

賊毀東南關廂破張箋澳寨飛礮越城人無固志色先以大

義勵兵民為死守計日則巡邏夜懸松光遍照濠外號令嚴

明士卒振奮賊不能破復遣人由間道赴省垣請援十一日

師集寇遁去城賴以全暴志以上二人武職

